

Ostrogog Ioannes Comes

Ostrogog Ioannis Comit̃is: Oratio recitata,
cum, discernens Argentina, publice Aca-
demiae caeterisque Ordinibus valediceret
9 Martii a. 1581.

PANEG. et VITAE

Polon.

4^o

Æ

670.



5235

CIMELIA

Oratio

ILLVSTRIS & GENE-

ROSI DOMINI, DOMINI IOANNIS:

Comitis ab *Ostrozog*: in *Krilow*, *Grodzisko*, & *Miedzi-*
chod, heredis: recitata, cum discessurus *Argentina*, pu-
blicè *Academiae*, cæterisq; ordinibus valediceret:

9 Martij: Anno 1581.

IOANNIS LVDOVICI HAVVENREVTE-
ri: Decani *Academiae Argentoratensis*, responsio, ad
eandem.

Ioannis Sturmij: & *Melchioris Iunij*, *Epistola de eadem re*,
ad eundem.

Testimonium datum *Ioanni Ionæ*: à *Ioanne Sturmio*.

His addite sunt

Rogeri Aschami, & *Ioannis Sturmij Epistola duæ*:
de *Nobilitate Anglicana*.

Item,

Pauli IV. Pontificis Max. ad *Ioannem Gropperum*, *Car-*
dinalem designatum. epistola.



ARGENTORATI.


Excudebat *Nicolaus Vvyriot*:

M. D. LXXXL



ILLVSTRIS
ET GENEROSI DOMI-
NI, DOMINI IOANNIS, COMITIS

Ostrorogani Oratio.

Vod haftenus metui magnopere, Au-
ditores ornatissimi, ne dicendi hunc
locum amplissimum sæpius conscen-
denti mihi vitium aut ambitionis, aut
temeritatis merito attribui posset: id i-
psum magis hodierno die vt reformidem, necesse
me habere intelligo.

Etenim si priores orationes, vel à me ipso habitas:
vel alijs hac in celebri schola recitandas quas dedi,
considero: meliorem illarum multò, quàm huius
præsents conditionem fuisse video.

Erant illæ vel à præstantissimo illo oratorum
principe Cicerone conscriptæ: vel à me ipso quali-
cunq; temporis spatio, pro virili contextæ. Ad hanc
autem conficiendam, vt cæteras nunc mittam diffi-
cultates: temporis certè vix satis, aut omnino non
habui.

Et sanè cum hac ipsa de causâ, tum multis alijs,
grauibusq; supersedendum mihi hoc dicendi labo-
re putavi. Nam nouitas ipsa rei me vehementer ter-
rebat.

A ij

Cim. Qu. 5235

rebat, metuebamq; maximopere, ne quod primus
id in tam celebri schola incipiam, vitio daretur mihi.

Sed parte ex contraria non minus graues, ad eum
ipsum suscipiendum atq; sustinendum me impel-
lunt.

Vt enim alia nunc silentio præteream: vel ipsa
Gratitudo, aurea illa virtus, hoc vt in me susciperem
onus, hortata est: quam, vt studiosè colere cupio: i-
ta eam quodammodo violari existimaui: nisi
hoc dicendi, vel valedicendi potius à me susceptum
munus fuisset.

Accedit & alia causa, quod à me hoc vt facerem,
indytę huius Academiae professores contenderunt:
quorum ego nec voluntatem negligendam, nec par-
ui iudicium faciendum esse arbitratus sum: licet vix
triduum ad ingrediendum iter reliquum esset.

Vestrę igitur humanitatis erit Auditores: in eam
partem oratiunculam hanc meam accipere: vt ad
gratitudinem, quantulam tandem cunq; declaran-
dam: nō vel ingenij, vel eloquentiæ ostentationē in-
stitutam eam esse existimetis: Et ita audire, vt æqui
atq; beneuoli homines: propter tum temporis an-
gustias: tum occupationes non paruas, minimè elae-
boratam audiri orationem solent: Nec tam faculta-
tem, quàm voluntatem, conatumq; dicentis specta-
re: qui in difficilibus quoq; atq; arduis rebus, lau-
dem suam, & approbationem bonorum habet.

Ne

Ne autem in me ipso, orationisq; meę excusanda
tenuitate verſer diutius: ad rem ipsam progrediar:
Et primum gratias vobis agam, quàm potero maxi-
mas, pro vestrīs in me officijs, magnisq; beneficijs.
Deinde tam inclytę huic Academiae, quàm vobis
Auditores optimi (cum ita fata velint) valedicam.

Vtrumq; enim hoc faciendum mihi esse video:
cū magna vestrā in me extent beneficia, & ita qui-
dem magna: vt non dico oratiuncula hac extempo-
ranea: sed ne quidem perfectā dicendi vi, elaboratā-
que industria comprehendiqueant.

Nam vt (bona reliquorum ordinum venia) de e-
orum nunc officijs dicam, quorum opera præcipuē
hac in Academia sum vſus: Quę obsecro tanta est Au-
ditores, ingenij vbertas, quę IOANNIS STUR-
MII, viri clarissimi in me promerita, non dico: or-
nare oratione, sed enumerare aut consequi possit.

At ne quis me auribus dare quid magis, quàm
perorare dicat: breuiter tantum ea, quę mihi in mē-
tem venient, de eius erga me studio adferam.

Veni Argentinam ante biennium: veni notus
paucis: Sturmio ignotus planè. At verò in conspe-
ctum senis optimi, vt veni: tanta me humanitate,
tanta excepit beneuolentia: quanta parentes liberos,
diu desideratos, complecti reduces, & excipere so-
lent.

Iam verò transacti hic temporis spatium dum

A iij

considero: in tanto me apud illum ære esse animadu-
uerto, vt exoluia me, dum viuam, non possit.

Nihil ego iam de fructu eo, quæ ex prælectioni-
bus eius non exiguum percepi, dico: Silentio Rheto-
ricos profectus, exiguos pro tenuitate ingenij mei,
magnos Sturmij opera, prætereo: Dialectica exer-
citia omitto, in quibus multo plus: Si per occupatio-
nes, & aduersam valetudinem licuisset, præstitisset:
Vel hoc vnicum, quo me loco habere, quanti me fac-
cere auditores putatis: quod tanti viri, cui pares per
quam paucos, vt opinor, Germania produxit, vt in
instituendis studijs, consilijs: frui amicitia, cons-
uetudine, colloquijs suauissimis priuatim contigit:
Quæ quò gratior mihi hætenus fuit: eo est, eritq;
constantior.

Sed tu mihi quoq; Domine Doctor Oberte Gipha-
ni, sicco quod aiunt, pede, es prætereundus minimè:
qui Rectoris Magnifici vestigijs insistens: non huma-
nitate modo me complexus es tua: sed & in Iuris
studio ita me iuuiisti, vt pares meritis tuis gratias ag-
gere non possim.

Quid ego iam de tua Clarissime Doctor Beuthe-
re, erga me beneuolentia dicam? Quid de ea opera,
quam in historijs tradendis atq; explicandis bene
multam consumisti: quid inquam?

Nihil sanè. neq; enim par tuis laboribus atq; be-
neficijs haberi oratio potest.

At

At non minus humeris meis incumbere onus vi-
deo: cum de tuis M. Iuni promeritis dicere conor,
qui non publicis modo officijs: sed priuatis quoq;
beneficijs: ita me obligatum, obstrictumq; tenes, vt
quibus verbis commodè satis gratias tibi agam, non
reperiam.

Pari quoq; ratione, cæteris Academiæ huius
Professoribus atq; præceptoribus, deuinctum me
esse agnosco: quorum humanitatem, beneuolen-
tiam, studia, quibus me, meosq; complexi sunt: vix
Latæ illud lumen atq; columen Cicero, pro digni-
tate recensere posset.

Alexandrum Magnum, magnum illum, inquam
orbis Rectorem, magnis ab Aristotele affectum be-
neficijs: ita erga præceptorem suum gratum fuisse
legimus, vt perpetuam illi dum viueret, obseruan-
tiam præstaret: at multo me plus vobis debere a-
gnosco.

Etenim erat Alexander philosophicis, Ethnicum
quiddam spirantibus præceptis (quæ partim de
mundo falso: partim de Deo peruersè, alijsq; rebus
corruptè tradebantur) imbutus: ego illis informa-
tus sum: quæ, vt philosophiæ consentanea: ita veri-
tati aduersa sunt minimè.

Erat ille cum Aristotele, vel vicinitate (quæ licet
parum prodesse videtur, incitat tamen plurimum)
quodammodo coniunctus: ego non sum vobis.

A. iij

Erat deniq; Alexandri (vt pote Regis ac Domini sui) instituendi occasio, adeoq; necessitas summa: à vobis autem in me quicquid profectum est: illud omne ex sola prouenisse humanitate vestra constat.

Iam verò, quoniam in beneficijs magnum habere pondus, collatoris dignitas atq; præstantia solet: tanto maiora vestra beneficia iudico: quanto maiores vos, hæc qui contulistis

Accepi ergo beneficium magnum à STVRMIO: accepi ab alijs viris non minus eruditione, quàm virtute præstantibus. Quis STVRMIVS? si quæras: est sanè vir talis, in quo non eruditionis præstantiam, Europe notissimam: non virtutis amorem: non in Ecclesiam Dei, declaratū studium: aut aliud quid horum meritò desiderare possis.

Hunc vnum virum Gallia suspicit: hunc miratur Italia: hunc colit Anglia: hunc Scotia diligit: hunc Dania reueretur: hunc Vngaria obseruat: hunc Boemia veneratur: hunc inquam tot inclyta regna: hunc deniq; Europa ferè tota sibi amandum deposcit.

Quære, si placet, exterarum nationum Studiosos Iuuenes, cuius gratia, molestiam (de qua aliàs ne cogitassent quidem, longi itineris susceperint: dicent STVRMII.

Interroga Vngaros: Gallos, Danos, Polonos, Boemos, aut alios quos voles: cuius huc sese contulerint gratia: STVRMII, STVRMII inquam respondunt omnes.

O te

O te beatum STVRMI, qui vt Socrates (multis licet Sophistis agrè id ferentibus) Apollinis oraculo: ita tu tot Regnorum (vt Ducatus, Respublicas, Ciuitates nunc mittam) iudicio, vir optimus sis iudicatus.

O me felicem, qui in conspectum tuum venerim: felicior, qui Cygneam tuā (sed vtinam nondum Cygneam) vocem audiuerim.

O beneficium magnū à te STVRMI in me profectū: quod tanto præstantius iudicandum est meritò: quanto maior tu, qui dedisti, haberis.

Et quidem de singulorum mihi, dicendi si foret beneuolentia: non hæc dico horula: sed totus me citius, quàm oratio, dies deficeret.

Quare vos tempori illud, non ingratitude infcripturos meæ existimo: si de singulorum vestrū (quos æquè amo, diligo, colo, suspicio) beneficijs hic non sum dicturus.

Vt igitur ex Schola in curiam transeamus: & de amplissimi Senatus, erga omnes studiosos, quorum & ego vnum me profiteor, beneuolentia dicamus: singularis ea omnino est, & admirabilis: & quæ Periclis, aut Demosthenis, aut Ciceronis, non adolescentis, & quidem dicendi non vsq; adeo periti orationem desiderat.

Magnum est, Auditores, quod Scholam hanc inclytam, cura magna: sumtibus non paruis: consilio

B

sapientissimo constituit: At illud profecto maius est
longeq; præstantius, quod Musarum hoc domici-
lium, non vacuum: sed egregijs Ornatum in habita-
toribus esse voluit: tum etiam Professores doctissi-
mos conquisiuit: & tenuioris fortunæ adolescentu-
lorum plurimorum studia, stipendijs honestis, &
subleuauit hætenus, & adhuc hodiè subleuat. Cum-
que non incæpisse sit satis: sed constantia maximè es-
os, qui ad Reipublicæ sedent gubernacula, deceat
maximum profecto illud iudicandum est: quod in
hisce, quos partim docendi, partim discendi huic ad-
dictos esse Academiæ videt, fouendis, tutandis, de-
fendēdis, tantam adhibeat curā, quanta (vt de longè
diucq; præteritis nihil dicamus) vel proximo seme-
stri, turbarum & contentionum pleno apparuit.
Diuinum opus, si semper idem fecerit: profecto fa-
cturus.

Sed hæc publica: & cum alijs multis mihi com-
munia sunt. Accedamus ad priuata amicitia & ne-
cessitudinis cū Schola hac vincula: quibus si publi-
ca non essent, arctissimè teneremur.

Etenim cum schola ex Scholarchis: docentibus: &
discentibus constare videatur: horum ego priuatim
deuinctum multis, obstrictumq; me esse intelligo.

Est mihi cum viro Nobili, Ioanni Philippo Ket-
tenheimio Prætoze Scholarcha, & Cancellario Aca-
demiæ huius, magna necessitudo. Intercedit non

minor mihi, cum singularis prudentiæ D. Carolo
Lorcheri, Consulari viro et Scholarcha altero amici-
tia. Est cum plurimis Professoribus, Præceptoribus
meis colendis, suauis & iucunda consuetudo. Est
cum multis vestrum Auditores Illustres & Nobilis-
simi, fuitq; hætenus, grata conuersatio ac familiari-
tas. Et, vt breuiter faciam: sum sanè vobis obstrictus
omnibus.

Quapropter cum & publicis vestris beneficijs,
& priuatis officijs, ita me vobis obstrinxeritis: vt
nisi ingratitudinis summæ mihi ipsi inurere macu-
lam vellem: hoc quicquid est officij intermittere
non possem: gratias, quas referre iam me vobis non
posse video: ago quam maximas: habebō perpe-
tuò: relaturus cum primum sese aliqua obtulerit
occasio.

Et primum quidem vobis viri clarissimi, doctis-
simiq; Præceptores: quod me huc veluti ad merca-
turam bonarum artium profectum, multisq; tem-
pestatibus, scopulis, procellis, alijsq; incommodis
vexatum: ad vestrum tranquillum appellere por-
tum fuistis: inq; illo ipso, non modò colligendi vi-
res potestatem fecistis: verum etiam tantum vestra-
rum mercium auferre permisistis, quantum quidem
mea lacera, fluctibusq; concussa, capere nauicula
posset. Quæ licet propter nauigij mei exilitatem,
paucæ esse videantur: propter vestram tamen hu-

manitatem, multarum eas loco habeo: eoq; maiores iudico, quod eas sine pretio: imò sine promerito vltio, mihi concessistis.

At iam non minores Indytę vrbis huius Senatui amplissimo, & prudentissimo, cum meo, tum aliorum omnium, qui hunc sese in portum recipiunt nomine (quanquam id officij mihi non arrego) gratias ago: quod eum non ædificarit modo: ornarit: portitoribus optimis instruxerit: verum etiam à procellis & tempestatibus tutum reddiderit: & adhuc tutum reddat & conseruet. Operam quoq; daturus sum sedulo: vt quoad lucis huius concessa mihi v fura fuerit: Reipublicę huius in me, meosq; humanitatem, beneuolentiam, studia, officia: grata memoria colam, laudem, celebrem.

Iam verò & vobis Auditores Illustrissimi, Nobilissimi, atq; adolescentes doctissimi, maximas ago, habeoq; gratias, quod mihi ea beneficia, quę expectari aut optari potuerunt, cuncta præstitistis: & nihil tale de vobis meritò præstitistis: Neq; modo ago vobis gratias: sed & in id incumbam sedulo: vt etiam re ipsa vobis: siue in Polonia patria mea: siue alibi, omnia beneuolentię, amoris, gratitudinis officia præstem.


Quod reliquum nunc esse videtur: me, meosq; vobis Auditores optimi, commendo: omnes etiam, tam indytę huius Reipublicę Senatores, viros amplissi-

plissimos, quàm doctissimos Academię vestrę professores: vosq; studiosos Adolescentes, nobilissimos ac humanissimos, rogo: vt si qua in re (cum hominum sit labi) vel dicto, vel facto aliquem vestrū offenderim, mihi ignoscatis.

Ego vicissim operam dabo, ne bis in eundem, quod dicitur, lapidem impingam: Deum deniq; optimum maximum supplex, & oro, & orabo, vt Scholam hanc in eo, quo nunc est statu, diu conseruare: eamq; (eiusdem ad florem, ornamentum atq; incrementū facere plurimum quod videtur) MVLTIS ORNARE STVRMIIS DIGNETVR.

DIXI.

IOANNIS LVDOVICI HAVVENREVTERI RESPONSIO.

 Ptari equidem cum ceteris Academię huius professoribus, Illustris & Generose Domine Comes Ioannes Ostrogie, Magnificum nostram Dominū Rēctorem adesse: qui ornata oratione & maiore cum auctoritate ad eleganter à te dicta respondere posset. Prædicanda enim & celebranda nobis est meritò grati animi tui virtus: qua non modo Alexandrum illum magnum tibi place-

B ij

re declaras: quē Praeceptorī suo Aristoteli gratias satis magnas referre non posse dixisse legimus: verum etiam ab eo quod Magnificae tuae familiae quasi innatum est non recedis. Gratos enim semper vestra generosa stirpe natos erga praecceptores suos fuisse scimus: quod pluribus exemplis comprobare necesse non est: cum in nobis vicina Basiliensi Academia Sebastiani Castalionis viri multarum linguarum peritissimi monumentum extet: cuius aedificationem eiusdem tecum nominis Ioannes comes ab Ostrorog sua liberalitate adiunxit. Cum igitur ex Ciceronis sententia turpe sit & nihil minus hominis videatur, quam non respondere in amoris, a quibus prouocare: quia propter Domini Rectoris absentiam melius fieri nequit: nudo & breui sermone ad amplam & eruditam tuam orationem totius nostrae Academiae nomine me respondere officij cogit ratio. Id dum facio pro clementi tua humanitate benignas mihi aures dare digneris etiam atq. etiam oro.

Imprimis gratias quas possumus maximas tibi agimus & habemus: quod Magnifici nostri Domini Rectoris IOANNIS STURMII, quem honoris causa ut communem nostrum Praeceptorem nomino, fama et eruditione adductus: magnitudinis sumptuum ratione non habita ad nostram Academiae peruenire grauatus non es, in qua constituenda et in certum ac studijs maximè accommodatum ordinem redigenda nullis laboribus & molestijs D. Sturmii pepercit aut se deterreri passus est: verum in ea se ipsū exprimeret: et tanquam parens in liberis perpetuò videret curant. Hāc do.

docendi rationem omnes Professores sartam teclam conseruare cupiunt: ut Sturmij nomine & memoria excitati ex multis diuersis nationibus quam plurimi semper ad nos adueniant. Gratulamur deinde nobis in nostra te hac Academia nos vidisse. Nihil enim iam de grauitate morum, de ingenij acumine, de diligentia & industria in studijs, quae in te admirati sumus, dicam: illud taciti praeterire non possumus: & perpetuum nobis erit exemplum, quo alios cohortari nobis licebit: quod in exercitationibus Rhetoricis, de quibus a multis retro seculis nemo D. Sturmio melius docuit, non modo frequens auditor interfuisti: verum ipse etiam saepius perorasti. Si namq. Pompeius Magnus laudatur: quod orientis victor liberalium artium Professores Rhodi audiuit: et fasces Philosophorum ianuae summisit: non minus in te commendandum est: qui in potentissimi regni consilijs non ita multò post sedebis & res praeclaras geres: quod tum bonarum artium auditor diligentissimus fueris: tum quid ex auditis didiceris & ornatè dicendo & acutè disputando multum ac frequenter patefeceris. Gaudemus deniq. Professorum huius gymnasij: quos ex tuorum consilio & pro vitae tuae instituti ratione praecipuè audiendos delegisti acceptam fuisse operam. Non etiam ceterorum tibi fratriq. tuo Illustri D. Nicolao inseruiendi voluntas defuit: licet re ipsa quod in votis habuerunt prestare facultas data non fuerit. Offerunt tamen vniuersi tam quibus vsi estis antecessoribus, quam horum Collegae: non modo vobis absentibus, verum etiam si quos vestrorum ad nos miseritis summissa sua

& beneuola officia. Quoniam etiam præstita tibi apud nos beneficia commemorasti: ea talia sunt: ut pro beneuolo quo accepisti animo gratias agere quidem debeamus: at veniam petere necesse habeamus: in meliorem multa quæ omissa sunt partem interpretari velis. Nam Senatus hospitium præbuit non tibi modo ac tuis: sed hoc pro sua erga omnes studiorum causa huc venientes benignitate: & præsertim in eos qui studia sibi curæ cordiq; esse patiuntur amore cæteris etiã concedit: et autoritate sua eos tuetur. Familiaritatē præclaro genere natorum Comitum, Baronū et nobilium, quam gratam tibi fuisse & iucundā ostendis, temporis dedit occasio. Reliquos qui studijs tuis adfuerunt muneris sui adduxerunt partes: & erga cunctos ut magnum tuum animum declarares ita te gessisti: ut nemo beneficiū se dedisse arbitrari potuerit, cum ipse magnum aliquod acceperit. Quæ cum ita se habeāt: DEO OPT. MAX. gratias magnas agimus: qui præstanti te indole ornavit: et eam excoleres dedit: eumq; rogamus misericordia sua porro tibi adesse: studia tua gubernare: & feliciter domum reducere velit: Vbi & Illustri tuæ familiæ præcipuo ornamento: Reipublicæ maximo vsui: Subditis tuis solatio, & plurimis adiumento esse possis.

D I X I.

IO. STVRMII

Rectoris Academiæ Argentinenſis

Epistola

AD ILLVSTREM ET GENEROSVM

Dominum D. IOANNEM COMITEM OSTRO-

ROGANVM, ornamentum, dñm nobiscum

fuit, Academiæ Argentinenſis.

Estne istud benè agier, Ostrorogane Comes: nullum mihi locum concedere: officij defendendi? Multorum seculorum Ethnicum Prouerbiū est: Inter bonos benè agier. Est istud benè agere: omni genere humanitatis me superare? Excusas subitum discessum tuum: & quod ad me non deflexeris. Cur ego ad te non veni? Tu dispendiū fecisses sex miliariorum: ego ad te absq; dispendio venire poterā. An non satis salutasti me in illo liberali & magnifico cōuiuio tuo: tuo nolato poculo: quo omnes conuiuæ tui: mihi absentī in Prædiolo meo: ordine salutem propinarunt: & valetudinem bonam sunt precati? Excusaui ego quidem absentiam meam: & causam Epistola perbreui indicaui: sed quamulū istud est: si cum istis epulis tuis: & hac bona & conuiuali precatione componatur? Etiam istam excusationem honorificam tibi duxisti esse: atq; ita: ut gra-

C

tia mihi agenda sit: nisi ingratus videri velim: propter voces, & sermones, & testimonia Conuiuiarum: qui istius Prandij liberalitatem & summam tuam erga me beneuolentiam: & studium tuum erga me perhonorificum: saepe mihi & propè quotidianis sermonibus commemorant.

Quid de Oratione tua dicam: quam, opinor, tri-duo antè habuisti: quàm Argentina discederes? quàm præclara: quam singularis: de me in illa facta mentio: quale testimonium: & qualis hominis? Metuone non inuidiam queam hominum effugere? Est istud benè agier? agiturne hoc modo benè? Si taceo: ingratus videbor: aut ipsum silentium videbitur esse superbiæ indicium. Si respondeam: quid respondebo ad exclamationem illam tuam: *O me felicem, qui in conspectum tuum venerim, &c.*

Quomodo fateri queam istud verum esse? Si enim fatear: si placebit: quid me vanius aut ineptius? Si negem: verecundum fortassis: Sed vide vt rationem reddas officij. Ego non video vt queas: nisi te excuset: amor tuus erga me: & pietas: si a me putas accepisse aliquid: quod & in posterum profuturum sit seculo: & in hac vita tua vtile: cum tibi: tum communi Reipublicæ Christianæ.

Et ad hanc orationem addis epistolam: quam heri mihi reddidit Lobartus noster: in qua idem affirmas: quod in epulis amicorum. Prætereo quæ mihi Bley

10
Flejdnerus: præceptor Marquardorum: narrauit: de tua singulari & incredibile erga me benignitate. Non audeo petere: vt eam perpetuam conserues: gratissima tamen mihi est ista significatio: ab animo benigno profecta. Nitor ista: in hisce molestijs meis. vox viri: vox Dei est: & magna consolatio est in ærumnis: in quibus incredibile est: quàm mihi gaudeam: quoties animaduerto: esse aliquos: qui iudicent benè: & qui moueantur caritate.

Sed redeo ad orationem tuam Comes Ostrorogane. vix mihi persuasit Lobartus noster: tuo Marte: vt aiunt: fuisse confectam: persuasit tamen: cum quia scio: quantos progressus feceris: isto quo nobiscum fuisse tempore: tum quia animaduerti: in sermonibus tuis: te aliquando ita loqui: vt me sic scripsisse: vt tu loqueris: non pœniteret.

In re hominum opinione non magna accommodatæ sententiæ sunt in hac oratione tua ad grauitatem. & distinctæ hæ proprietate quadam verborum: vt in ipso acumine appareat aliqua copia: aptata ad tui stili & nostræ scholæ consuetudinē. & placet mihi in hac modestiæ: humanitatis: & animus vbiq; gratus: & mores probati. Non dubito: si: vt cœpisti, perges: habitura breui Polonia est: in ordine nobilitatis: qui cum Bembris & Sadoletis queant contendere.

Perge igitur vt cœpisti: vt cum hæreditatem adi-

turus es: & cum absq; tutore & curatore res tuas
administrabis: ea assequaris: in hoc cursu tuorum
Studiorū: quæ ego cū multis alijs de te expectamus.

Iucundum mihi est: cogitanti de fratre Nicolao:
suauissimo & elegantissimo Comite: quod illum apud
te esse mauis: quàm te absq; illo viuere. Hac enim
ratione & te exemplum semper domesticum habi-
turus est: et minus mutatio locorum vtriusq; vestrum
molesta erit: & quocunq; venietis: domi viuere vo-
bis videbimini: cum etiam neque Oeconomus Mi-
licianus grauissimus vir: neq; Ioannes Ionas lite-
ratus homo: à vobis discedant quorum vtriusq; fi-
des, & cura, & studium, & labor: erga vtrumq; ve-
strum: perpetuam memoriam & beneuolentiam &
clementiam meretur: vt merito illorum salus, & in-
columitas, & existimatio atq; tranquillitas: contra
iniquos aut inuidos: vobis curæ esse debeat.

Ego certè tanti facio horum necessitudinem: vt
etiam statuam: Serenissimo Regi Polonia: hos gra-
tos & commendatos esse debere: propter doctri-
nam & virtutes tuas: in quibus excolendis tuæ ad-
fuerunt industriæ. Tribuunt enim huic Regi vestros:
boni viri & homines eleganter eruditi: doctrinam:
memoriam temporum: vsum in Repub. gerenda:
fortitudinem in prælijs: Scientiam in remilitari. vt
qui Regium nomen & Maiestatem: raro & singula-
ri exemplo in Europa tota: cum in constituenda Re-
pub.

pub. in Polonia omnibus Prouincijs: tum in hoc
Moscouitico bello administrando: tueatur. At qui
hisce laudibus atq; virtutibus ornatus est: non du-
bium est: quin eidem tuus reditus in patriam: futu-
rus sit iucundissimus: propter ornamenta ingenij
& naturæ tuæ: & illorum salus & vitæ commodi-
tas curæ: qui studijs tuis præfecti fuerunt: & curam
tui gesserunt: & inter tuos Comites: in Germania
& Gallia & Italia fuerint præcipui. Vale mi Ostro-
rogane Comes: ornamentum Academiæ nostræ.
O & præsidium & dulce decus meum. Northemij,
in meo Sturmiano. 18 Maij Anno 1581.

ILLVSTRI AC GENE-

ROSO DOMINO IOANNI COMITI AB
OSTROROG &c. Domino suo Clementissimo,
MELCHIOR IVNIVS S. P. D.



Hoc quidem verè est, Illustris ac Gene-
rose Comes IOANNES, Domine Cle-
mentissime, beneficio beneficiū cumu-
lare: & multis ante magnisq; nomini-
bus obligatū, deuinctum magis obstri-
ctumq; reddere. Præsens præsentī clemētiæ signa de-
disti & plurima & maxima: nunc absens absentis nō
modo (quod petere fortassis ynicū poteram) memo-

C. in

riam non abijcis: verum etiam literis missis gratā in-
cundamq; Tibi esse ostendis. Equidem cum & vir-
tutū amor: & generis splendori cultus atq; honor de-
beatur: etiam ante quā nostram venires in Scho-
lam. cum virtutum Tuarum: tum Ostroroganae fa-
miliae laudibus adductus, Te observare atq; dilige-
re cepti. Postea verō quā biennium integrum no-
biscum vixisti, ita Tui sum studio inflammatus: vt
nihil ad observantiam amoremq; in Te meum addi
posse videretur. Accesserunt tamen velut in cumu-
lum literarū perquam clementer ad me perscripser: vt
nunc demum quanto Tuo sim in are & quā diffi-
culter, vel potius omnino non exolvere eo me pos-
sim intelligam. Non soleo ego quicquam aliorum au-
ribus dare: nec si vellem: pace hoc tua bonaq; venia
mihi facere liceret: qui, quod erecti est excellēq; in-
genij proprium, ESSE quam VIDERI bonus ma-
ius. Vnum illud Tibi gratulor: & quod ea quae ma-
gna, ampla, illustriaq; esse nosti, summo studio se-
queris: & verō ita praeclarē cum ab animi, tum for-
tunae bonis, paratus es & instructus: vt haec eadem
consequi facile possis: imō non parua ex parte iam
consecutus esse videaris. Sunt Tibi Generose Comes
IOANNES ad eruditionem parandam instrumen-
ta cū primis necessaria, largēa DEO OPT. MAX.
tributa & concessa: Ingenium, & Memoria. Nom-
inis splendorem atq; claritatem, maiorū res praecla-

re

re, fortiter, laudabiliterq; gestae pepererunt. Morū
suavitatem, elegantiam: & illam nobilitatis propri-
am in omnes, maximē vero doctos atq; literatos ho-
mines humanitatem domestica attulit educatio atq;
institutio, adhibita cum ab alijs, tum verō maximē
moderatore Tuo D. IACOBO MIELEVIO viro nobilis-
simo: cuius grauitas, fides, cura, sollicitudo, cognita no-
bis haecenus omnibus perspectaq; fuit. Scientia te
& doctrina praecipuos auxerunt: inter quos partes
haud postremas D. IOANNES IONAS obtinet: vir
sanē literatissimus, diligentissimus, doctissimus,
omniumq; bonorum virorum amore atq; beneuo-
lentia dignissimus. Quid ego nunc de Eloquentiae
studio dicam: in quo quantos feceris progressus, no-
runt n̄ qui aliquoties Te nostra in Schola declaman-
tem, summa non solum cum approbatione, verum
etiam admiratione audiuerunt. Solent haec plena,
quod aiunt, collaudari manu à prudentibus, prae-
ferriq; longē opibus ceterisq; rebus quae extrinsecus
peruntur: minus etiam profunt ijs: qui non sibi tan-
tum: verum etiam alijs sese natos esse statuunt: &
ad Reipub. aliquando sedere gubernacula laudabi-
liter cupiunt. Habuit Generose Comes IOANNES
semper Poloniae fortitudinis, rei q; militaris peritiae
laudem: & magnam sanē est quod affirmatur, cum
Equitatus ex solis constet Nobilibus, centum &
quadraginta equitum millia, si sit opus, in aciem edu-
cere.

cere regem posse: & crebrae illae praeclaraeque ab hoste
potentissimo reportatae victoriae illud ipsum con-
firmare videntur. Sed & eadem iam in certamen cum
alijs descendere nationibus: & de eruditionis atque
doctrinae contendere gloria caput. Aliquot etiam
iam annis ad nostram Academiam Generosos bene
multos nobilesque adolescentes misit, quibus si lucis
huius v. s.ura. contrigerit diuturnior: nae illa habebit
semper regni sui & praesidia & ornamenta plurima:
suoque exemplo confirmabit verum esse, id quod di-
ctum a Platone est: Beatas illas res esse publicas: quae
doctis rectoribus atque gubernatoribus v. tantur.

Inter hos ergo Generose Comes IOANNES prin-
cipem locum cum obtinere videaris: merito & Fa-
miliae tuae Illustrissimae: & Inclyto Poloniae regno
gratulor: mihi gaudeo: DE V. M. etiam OPT. MAX.
rogo: ut quam vna cum fratre Tuo D. NICOLAO co-
mite suauissimo, eruditionis & virtutis parandae
gratia peregrinationem suscepisti, ipse fortunet: eos
rum denique donorum, quibus vos cumulauit fru-
ctum & vtilem patriae: & iucundum propinquis,
cognatis, amicis: in primis vero matri matronae lectis-
simae: vobis autem diuturnum esse velit. Bene vale
Comes generose, & quod facis me Tui familiaeque
Tuae Illustrissimae, obseruantis. commendatum ha-
be: propediem etiam instituendorum locorum com-
munium, quam petis, rationem a me expecta. An-
gentinae xvii Cal. Iulij Anno 1581.

TESTIMONIUM

Datum

IOANNI IONAE MORAVO.

Ioanni Ionae Morauo testimonium scripsi:
anno Septuagesimo quinto: quo tempore prae-
fuit aliquot nobilibus Polonis adolescenti-
bus: in quartum vsque annum: Erat vero Te-
stimonium: virtutis: diligentiae: fidelitatis:
& in eo illum optimum virum: diligentissimum praecepto-
rem: & hominem fidelissimum in educandis nobilissimarum
familiarum adolescentibus: nominavi. Hoc ego illi testimo-
nium rursus eadem hac manu mea confirmo: atque istud etiam
quod hic subijcio: additum volo.

Reuersus est ad nos Ioannes Ionas Morauus: Anno Se-
ptuagesimo nono: cum duobus Comitibus D. Ioanne & D.
Nicolao Ostroroganis: Polonis proceribus: D. Stanislai
illustris memoriae &c. Filijs: & cum Oeconomico modera-
tore: grauissimo viro: D. Iacobo Milieui: qui ab eo tempo-
re vsque ad annum Octuagesimum primum: & duodecimum
Martyr in Academia nostra continenter vixerunt: praeclara
domestica disciplina: quae exemplo esse potest: posteris no-
stris: diligentiae: assiduitatis: temperantiae: modestiae: tana-
to consensu & tanta concordia praefecti Milieuij & prae-
ceptoris Ioannis Ionae Morau: ut alter alteri non cesserit,
amabili beneuolentia: & decente reuerentia, cum suapte in.

D

ter se virtute: tum studio communi: in officijs colendis: ad ornandos & erudiendos mores atq; ingenia excolenda duorum discipulorum & quasi pupillorum suorum: ita: vt plus quam tutorum: & parem parentum visi sint vicem gerere.

Illud verò in hac disciplina eximium est: quòd ita officia vtrinq; responderunt: vt non facile sit diiudicare: an Comites suapte natura: an praefectorum moderatione: fecerint ea omnia: quae nobis omnibus probantur.

Atq; illud etiam proprium huius disciplinae est: quòd vterque praefectus: domi nihil instituerit: quòd ad disciplinam studiorum: & ad consuetudinem nostrae Reipub. pertinet: absq; Consilio nostro: quos Senatus Academiae nostrae praeposuit.

Istud testimonium visum mihi est: cum D. Ioannis Comititis Ostrorogani Oratiuncula diuulgare: vt exemplum sit: qui post hac ad Academiam nostram mittentur: cum ipsis discipulis: tum etiam illis: quos parentes suis liberis apud exterarum gentes praeficient. Datum Northemij in praedio meo. 18. May. Anno 1581.

ROGERVS

ROGERVS ASCHAMVS

CANTABRIGIENSIS Ioanni Sturmio,
S. P. D.



Ecce ars ad vsum vitae, nec scientia ad cultum ingenij, meo quidem iudicio, Sturmi, vlla inuenta est, quae cum illius facultatis praestantia comparari potest, cuius praesidio efficitur, vt ratio ad prudenter intelligendum, sermo ad disertè loquendum instituat, & reliqua hominis vita ab immani feraq; consuetudine longissime abesse, et ad diuinam naturam proximè accedere videatur.

Hinc incredibilis ille sensus amoris, quo omnes ferè docti etiam nunc prosequuntur externas illas Athenas, ex qua vna vrbe, vna aetate, vt scis, plures dicendi intelligendiq; & principes & praepceptores exorti sunt, quam ex omni & locorum & temporū vniuersitate ad hominum memoriam vsq; peruenerunt.

Roma vero olim imperij domicilium, virtutis cumulo velipsis, Athenis longè superior eloquentiae laude par, aut non multum inferior: quanquā nunc praesentibus moribus, Papistico luxu & imperioso Antichristianismo, se bonorum odio subiecerit, ceteris tamen eloquentiae nomine & Ciceronis ingenio, sic omni posteritati commendata est, vt quam

D. n.

diu latinarum literarum vel fructu adiuti, vel laude illustrati vlli homines sunt., tam diu vrbis Romae memoria, cum summa Charitate & beneuolentia vsurpata duratura sit.

Neque antegressae solum memoriae erudita secula, sed praesentis etiam aetatis praecleara ingenia plurimum admiramur: potissimum vero eorum hominum, qui hac eloquentiae laude floruerunt. Ipse enim multos excellentes viros ex Italia, Germania, Gallia vehementer diligo, quos nunquam vidi, propter insignem doctrinae splendorem, quem in illis elucere perspicio.

At cum tu STVRMI: ex Platone, Aristotele, Cicerone eum salubrem eloquentiae succum haulisti, quem in nullo alio nostrae aetatis, nec longe superioris quidem vnquam animaduerti, & illum etiam totum ad saniores Christi doctrinam aggregasti, quo in loco te habeam, nisi de te ad te scriberem libenter, explicarem.

Quamquam si id facerem, cur adulationis notam vererem, non video: quae res si mihi proposita fuisset (quod tu quodam in loco ad quendam scribis) alia via ad aliud genus hominis mihi affectanda esset.

Iudicium illud diuinum tuum, quo singulos praefers singula legis, animaduertis, relegis, appendis, exposis, construis & aedificas, meum, si quod est iudici-

um:

um, in eam admirationem rapit, vt quicquid haecenus scripsisti, sedulo conquissuerim, auidè perlegerim: inciderim etiam in nonnulla manu scripta abs tuo ore excepta, in ea videlicet quae doctissime dictaueras in integrum Gorgiam Platonis.

Hunc librum Londini ante triennium nactus sum. Ad hunc modum cum suauitate praesentis consuetudinis tuae frui non licuit, ope tamè ingenij tui, quantum potui semper, vti placuit.

Et me multos iam annos ardore amoris erga te mirifice incensum: ecce tibi quotidianus ferè sermo, quem de te mecum MARTINVS BUCERVS habet, sic nunc inflammat, vt nihil libentius facerem, quam ad te scriberem: praesertim cum intelligam & ex eo quod de te ipse scripsisti, te eum esse, qui humanitate & beneuolentia contentus sis: & ex sermone praeterea Buceri te non magis esse Ciceronis excultum eloquentia, quam ornatum humanitate, qui hominis nihil potius esse iudicat, quam respondere in amore his, a quibus prouocare.

Sed vide audaciam meam, qui in amicitiae ipso nostrae principio, beneuolentiae meae, non solum significationem ostendere volui, sed fructum remunerationem quandam repetere statui. statui enim rogare te, vt aliquid facias literarum nominis tui, & utilitatis etiam meae causa, nisi hoc hominis natiuium sui amantis esse videretur.

D. iij.

Ego ad lectionem sacrae scripturae, in qua potissimum tabernaculum & vitae & studiorum collocare cum Christi benignitate statui, Platonem, Aristotelem, Demosthenem, & M. Ciceronem residuo meo studio adiungere in animo habeo.

Nec tamen hoc studendi genere sic mihi vel praecise placeo, vel ignaue contentus sum, vt medicorum & Iurisperitorum libros, vel omnino contemnam, vel nunquam attingam.

Hae enim artes & praeclaram continent cognitionem, & ad omnem humanam vitam vsum ac splendorem plurimum momenti habent.

Sed in tanta varietate rectissimorum Studiorum sequatur per me quisque illud non scite. Attylij enim poetae, vt ait Cicero durissimi: suam cuique Sponsam, mihi meam.

Aristoteles doctrina & iudicio cum ceteros omnes tum se ipse quoque superat, mea quidem opinione, in his libris quibus dicendi rationem pulcherrima doctrina explicauit.

Diuinam rationis quidem, naturae & morum disciplinam diuino ingenio recondit in reliquos libros: hic nihil non fere ad popularem consuetudinem, & humanae vitae quotidianum vsum promit & exponit.

Et quo magis hos libros praeceteris admiratus sum, tanto plus tribuo Danieli Barbaro, & P. Victo-

rio,

rio, qui in eis magna quidem cum diligentia elaborauerunt: scire enim dum, quanquam id percipere aueo, non possum, quid sit illis Gregorij Nazianzeni graecis in hos libros commentarijs, quos Erasmus in festina lente, testatur se apud Aldum perlegisse: nam hos esse illud *ἐπιμνηστικὸν ἔργον* in Gallia impressum non credo.

Horum omnium & diligentiam libenter agnoscito, & voluntatem vehementer probos: sed cum ex libris tuis, quos frequenter lectito, & ex multorum sermone quos saepe conuenio claris, perspicio te tanto ingenio & iudicio in his Rhetoricis libris versatum esse, vt quid vel illi praedicent, vel ipse sentiam non literis exponere, sed in opinione tua relinquere statuerim.

Et hoc est humanissime S T V R M I, quod tanto pereabs te contendam, vt summi artificis praestantissimam artem, excellenti artificio tuo explicatam in lucem proferas.

Nunc vero si esset in me vlla vel persuadendi facultas, vel cogendi vis, eam vniuersam ad te vrgendum, vt hoc perficeres, adhiberem.

Neque ego solus, sed innumerabiles alij hoc abs te contendunt. Quorum postulata cum & literarum summa vtilitate, & nominis tui immensa laude implicata sunt, quantum humanitas tua illis tribuere debet, etiam atque etiam considera.

Va

Vt nouos haurias labores non requirimus, sed
veteres vt fulissimè ad vberem studiorum fructum
dimanent, expetimus.

Vidimus enim & legimus, magnam partem illo-
rum laborum, quos in Rhetoricis libris explicandis
suscepisti, quibus tantum ardorem in nobis ad vi-
denda reliqua excitasti, vt is nulla alia re nisi luce in-
genij tui satiari possit.

Age igitur optime STVRMI, & pergerogatu
vnius prodesse vniuersis.

Et quanquam durior esse vis, quod facile non cre-
do, quam vt oratu multorum bonorum comouea-
re: prudentior tamè es, quod certò quidè scio, quam
vt patiare vnius plagiarij scelere committi, vt vel istis
Rhetoricis libris, vel Gorgiæ, vel politicis tuis, aut
aliud aut aliter accidat, quam nunc vereri velis, aut
in posterum mederi queas. Quod ipsum in tanta tur-
ba excipientium dictata tua, facile alicuius vel stulti
amici imperitia, vel sordidi typographi avaritia con-
tingere potest.

Hanc injuriam sæpè Erasmus, sæpè multi docti
viri experti sunt, quæ si ad te solum perueniret, ne-
gligere eam non deberes: cum verò ea omnium &
literarum & tui quoque studiosorum communis es-
set, diligentior quidem cautio adhibenda est.

Et hoc si uerè monentis consilium, siue verè
amantis studium, siue impenitè rogantis institutum,

ea quaeso mente quæ ego scribo, accipias, & eà quoque
ratione qua maximè cupio, expleas,

His proximis superioribus annis Aristoteles è
Gallia prodijt latina lingua loquens, vt omnes exi-
stimant, aliena mente nonnunquam sentiens, vt
quidam iudicant.

Ioachimi Perionij in coniungendo Cicerone cum
Aristotele & voluntatem multi probant, & ex vtro-
que infinita loca, siue in congerendo diligentiam, si-
ue in compellendo vim plures in meliorem partem
accipiunt, quàm illud nimis proiectum Cephæ Clo-
nonij os, qui in exagitando vtroque græcæ latinæque
doctrinæ & principe, & præceptore, vtriusque bene-
ficio & suo ingenio nimis insolenter abusus est.

Quanquam & ipse quoque existimo præclaram
Aristotelis doctrinam, & minus ornatam videri, &
magis obscurā esse, quàm vt multorum in eo legen-
do possit, vel studia allicere voluptas, vel labores cō-
pensare utilitas, quia vbiuis, ferè docetur sine accu-
rata exemplorū appositione: qua in re & Latini plu-
rimum, & Græci ipsi peccant explicatores.

Et tamen hoc vitio claudicare non debet dialecti-
corum schola, cum in tota illa subtili differendi ratio-
ne ab Aristotele tradita, nullum extet præceptum,
cui in Socratis sermonibus Platonis & Xenophon-
tis ingenio conscriptis non respondeat expressum
exemplum.

Hoc tu STYRMI & prudenter animaduertis, & frequenter doces, potissimum uero in ea ratione interrogandi collocandiq; Dialectica, quam Platonis Gorgiae praefixisti: ad quem locum legendum quoties accedo (quod saepissime quidem facio) toties cum noua quadam & utilitate laboris mei, & admiratione ingenij iudicijq; tui semper abeo.

Sed ad hanc dicendi facultatem, quae tota ad illustriorem usum comparata est, nihil magis requiro, quam ex Demosthenis, Ciceronis, Thucididis, Liuij, & horum simillimorum Oratorum, Historicorumq; libris, sic ubiuis exempla comportari, ut quicquid in uirtute splendoris & equitatis, in scelere foeditatis, & fraudis, in prudentia, prouidæ opportunitatis, in fortuna insperatae temeritatis, ex omni seculorum memoria colligi obseruariq; possit, id semper ad Rhetoricae praecepta diligenti uel appositione exempli adiungatur, uel notatione loci referatur.

Et quanquam hic cuiusque literarum cupidus proprius labor esse debet, tamē cum ad id praestantis ingenij animaduersio, delectus & iudiciū adhibetur, noua profectō studiorum & suauitas ad uoluptatē, & fructus ad utilitatem, ex hac artis & imitationis coniunctione efflorescet.

Et huic meo, si tu ita uis, siue errori ex imperitia, siue torpori ex desidia, lubentius quidem indulgeo, quod plerumq; uideo eos qui in solitarijs artium praec
ceptis

ceptis adhærescunt exangues, frigidos, ineptos, sine sensu, sine motu, sine usu esse: contra uero alios qui nulla praeceptione instructi, sed historicorum sola & Oratorum lectione contenti fuerunt, in aliquo loco constitisse.

Necq; hæc eò à me dicuntur, quod aut uagam lingue iactationem, aut effluentē styli insolentiam ullo modo probem, sed quemadmodum in tradenda uera religione, exempla uitæ, cum praeceptis doctrinae coniungi debeant, sic quidem ad omnem artis cultū, imitationis etiam usus adhibendus est, ut cursus studiorum, neq; obscuritate inutiliter impeditus, neq; erratione licenter abductus esse uideatur.

Præterea cum dicendi facultas *luxury* sit, ut docet Socrates, & tota illa nobilis animæ doctrina hæc artem propinquissima cognatione attingat, plurimum & huic disciplinæ & nostræ ætati congratulentur, si Phædonem Platonis & libros Aristotelis *πρὸς τὴν τοῦ λόγου* luce ingenij tui aliquando illustrares.

Et quia uideo me iam pridem nimis inconsideratē abusum esse humanitatem tuam, & omnes uerecundiae fines transisse, libet profectō nunc ipsius Ciceronis consilio uti, & benè gnauiterq; impudentē esse.

Ipse quoq; Demosthenes multorum infelices conatus hæctenus reiiciens, te admodum flagitat. Bis nunc Italia ad nos misit Aeschinem, & Demosthenē latine dicentes, sed nec his oratoribus, nec ea regione, mea opinione satis digne,
E ij

Illi etiam Germani duo, quos semper admiror & unice amo, in Demosthene multis non satis faciunt.

At uero cum illum primum circuitum, qui est in principio orationis contra Aeschinem, à te in libro de Amissa dicendi ratione latine uersum lego, & cum diligenter animaduerto, quo tu appendis iudicio, quam nam in utraq; lingua uel singula uerba uim, uel sententiæ formam habeant: quid putas me primum doctissime S T V R M I acclamare, ne *ὁ πᾶντες ἰγ* *πῶς*, quodnam hoc nouum ueneris caput: an maximopere his literis quidē nunc meis, sed uotis iam diu literatorum publicis à te cōtendere, ut quod reliquum est in his duorum nobilissimorum Oratorū in cōtrarijs inter se orationibus perspicere ipse uelis.

Hoc labore & utriusque linguae splendorem mirifice excitabis, & illius Ciceronianæ amissæ uersionis desiderium, meo quidem iudicio, multum mitigabis. Et huic uniuersæ postulationi meæ, audacter quidem scio susceptæ, ad res tamen spero & præclaras capiendas, & iustas petendas institutæ, te multum tributurum facile intelligo.

Postremo uidendum tibi est, ut expleas eam expectationem, quam omnibus literarum cupidis commouisti, de illis libris qui de ratione latine loquendi atque scribendi à te scripti sunt.

Et hæc de te actuis, nūc pauca de nobis ac nostris.

De Religionis cursu, Reipub. statu, literarum cultu

&

& fructu apud nos in Anglia satis loquacem tecum instituerem sermonem, si tantæ res in breues potuerint includi literas.

Sed quæ nunc unius epistolæ modo terminari non possunt, in multas literas, quas Deo uolente, tibi frequentes scripturus sum, reseruabo.

Ea uero religionis cura apud Iosiam nostrum in primis & Cantuariensem & uniuersum consilium regium excubat, ut in nulla re æquè elaboratum sit, quàm ut religionis cum doctrina tum disciplina, ex sacrarum literarum fonte purissime hauriatur, & ut sentina illa Romana, qua tot humanæ sordes, in Ecclesiam Christi redundarunt, funditus obstruatur.

Populi cōsensus & obedientia ad hanc rem summa est. In studijs nostris Patrum consilia libenter sequimur, ubi ipsi non deflectunt, à sacra scriptura. Augustino plurimum tribuimus, cui, quod tu Græcos, Basilium & Chrysostomum anteponis, non tibi concederem, nisi te ualde amarem.

Bucerus, vir Dei, gloriam Christi strenuè apud nos excitat, cuius habet tantam & doctrina auctoritatem & uita moderationē, ut ne ipsi quicquam aduersarij conqueri possint.

Aduersarij enim nonnulli adhuc apud nos sunt, qui cum à nobis non nihil discrepent, hominū uires, uirtutes, & consensum extra modum & ordinem effidentes: tamen quia complures eorum sine stoma-

E in,

cho & aculeis hoc faciunt & plurimum se ipsi cum eruditionis laude, tum probitate viræ commendāt, non possumus non amore prosequi eos, omnia referentes ad illius prouidentiam, qui extrema etiam diu nonnullos in vineam suam introducit.

Publica res in magna expectatione est. Quis euentus hanc pacem inter nos & Gallos, per obsides principum filios factam consequetur, ignoramus.

Illa quidem vox Ciceronis semper mihi suavis esse videbatur, Nomen pacis dulce est: & res ipsa salutaris: Bellum autem quid aliud est quam sophoclea *ἑρμῆς, πολὺ χαρ, πολὺ πόνος, χαλκὸς πορ*, religionis cursū, morum disciplinam, literarum otium, & omnes suauioris felicitatis partes funditus euertens.

Gratulor etiam multum ipsi Galliae, quam gentem vnicē semper amauī, quæ meo iudicio quidem in omni literarum & humanitatis laude nec ipsi cedit Italiae. hanc pacem vtrique, genti bonam faustam felicem, fortunatamque fore speramus, quoniam Comes Bedfordiensis, Pagettus & Ioannes Masonus nostræ partis principes legati, non solum longum rerum vsum, multiplicemque eruditionem, verum etiam Dei timorē ad hanc fundandam concordiam adferunt.

Linguae & artes Cantabrigiae ab his passim hauriuntur authoribus, qui cum dicendi tum intelligendi Magistri optimi semper habiti sunt: vt nec ratio
pro

propter infantiam nimium obmutescere, nec oratio propter inscitiam loquaciter inolescere discat.

Ad vtriusque linguae doctrinam perdiscendā, vtriusque urbis non eadem quidē, sed vna ferē sola ytimur etate.

In hanc studendi viam plurimi, Ioannis Checi & Thomæ Smithi exemplis, perceptis, ingenijs, consilijs prouocati, ingressi sunt.

Hi duo, olim huius Academiae nunc totius Reipublicae in ipso splendore aulico praeclara lumina eminent.

Qui si ad scribendum sese dedidissent, nec in Sado leto Italia, nec in Longolio Gallia iustius quam in istis duobus Anglia gloriata fuisset.

Hoc perspicuum nobis est, vel ex illo libello, quē de recta Graecē pronunciandi ratione qua nos Cantabrigiae vtimur, contra Vintoniensem conscripserūt.

Sunt quoque hic Cantabrigiae multi praeclari viri, inter quos tamen sic elucet summus amicus meus. Gualterus Haddonus, huius Academiae nunc Pro-cancellarius, vt cum illis superioribus duobus comparandus, non in nostrum numerum aggregandus esse videatur. Quid omnes Oxonienses sequantur, planē nescio, sed ante aliquot menses in aula incidi in quendam illius Accademiae, qui nimirum proferendo Lucianū, Plutarchum, & Heroclianum, Senecam, A. Gellium, & Apuleium vtriusque linguā in nimis senectem & effatam aetatem compingere mihi videbatur. Nobilitas in Anglia nunquā magis erat literata.

E iij

Illustrissimus Rex noster Eduardus, ingenio, industria, constantia, eruditione, & suam ætatem & aliorum fidem longè superat: non enim aliorum sermone persuasus, sed ipse sæpenumero præsens (quod in suauissimam felicitatis meæ partem deputo) omnium uirtutum chorum in eius animum immigrasse perspexi.

Gallia non dubito agnoscat summam doctrinæ laudem in clarissimo duce Suffolchiensi, & reliquo illo nobilissimo iuuenum comitatu, qui hætenus unà cum rege nostro in græcis literis & latinis educati, hac ipsa die, qua hæc ad te scribo, in Galliam profecti sunt.

Thomæ Mori filiabus innumeræ nunc honoratæ sceminæ in omni literarum genere præstant. inter quas tamen uniuersas ueluti sidus quoddam nō tam claritate generis quàm splendore uirtutis & literarum, sic eminet Illustrissima Domina mea, D. Elizabetha, Regis nostri soror, ut in tanta eius iustè commendandæ uarietate, labor mihi non quærendæ laudis, sed statuendi modi propositus esse uideatur.

Nihil tamen scribam cuius ipse præsens testis nō fuerim, me enim præceptore græcæ latinæq; lingue duos annos usa est. Nunc uero ego aulica turba liberatus, & cæteris: otij mei literarum suauitati, Regiæ Maiestatis beneficentia, satis honestam conditionem & locum in hac Academia habeo.

Fortunæ

Fortunæ naturæq; ornamenta in Illustrissimam Dominam meam collata, hæc ne an illa pluris æstima-
manda in comparatione ad iudicandum perquam sunt difficilia.

Aristotelica laus in eam tota transfusa est. Nam καλλὸν in illa μέγθος, σωφροσύνη, καὶ φιλοσοφία, omnia summa.

Ex anno xvi non nihil excelsit. Tanta in hac ætate grauitas & celsitate comitas inaudita est, studium veræ religionis & optimarum literarum acerrimum. Ingenium sine muliebri mollicitia, labor cum virili constantia, Memoria qua nihil vel citius percipit, vel diutius retinet.

Gallicè, Italicèq; æquè ut Anglicè loquitur: Latine expedite, proprie, considerate. Græcè etiam mediocriter mecum frequenter libenterq; collocuta est.

Siquid græcè latinè uel scribat, manu eius nihil pulchrius. Musicæ ut peritissima, sic ea non admodum delectata: In quauis adhibenda mundicia φιλοκαλὸν μᾶλλον ἢ καλλωπιστὴς, aurum πρῶβυλος καὶ κορύμβος sic semper aspernata ut non Phædrum, sed Hippolitē omni vitæ ratione referre uideatur.

Perlegit mecum integrum ferè Ciceronem, magnam partem Titij Liuij, ex his enim propemodum solis duobus authoribus latinam linguam hausit. Exordium diei semper nouo Testamento græco tribuit, deinde selectas Isocratis orationes, & Sophoclis tragœdias legebat.

F

Hinc namq; illius & linguam purissima dictio-
ne, mentem aptissima præceptione, & reliquam e-
ius vitæ conditionē ad omnem fortunæ vim rectē
instruendam esse existimaui.

Ad religionis institutionem post fontes scriptu-
rarum. D. Cyprianum, locos communes Melan-
chtonis, & alios huius generis similes ex quibus
pura doctrina cum eleganti sermone libari potuerit,
adiunxit. In omni oratione, si quod inuitum verbum
aut curiosius accersitum fuerit, facile animaduertit.
Ineptos illos Erasmi imitatores, qui Latina in linguā
in miseras prouerbiorum compedes illigant, ferre
non potest: orationem ex re natam, proprietate ca-
stam, perspicuitate illustrem, libenter probat.

Verecundas translationes & contrariorum colla-
tiones aptè commissas & foeliciter confligentes vni-
cè admiratur: quarum rerum diligenti animadu-
ersione aures eius trita, adeo teretes factæ sunt, & iu-
diciū tam intelligens, ut nihil in græca, latina, &
anglica oratione, vel solutum & peruagatum, vel
clausum & terminatum: vel numeris aut nimis effu-
sum, aut ritè temperatū occurrat, quod non illa inter
legendum ita religiose attendit, ut id statim vel ma-
gno reſciat eū fastidio, vel summa excipiat cum volu-
ptate. Nihil fingo mi STVRMI, nec opus est, sed adū-
brare tantū volui tibi speciē eius excellentis ingenij
& studij, in cuius rei veluti forma, dum mens mea
tota

tota defixa est: hanc illustrissimæ Domine meæ me-
moriā, mihi quidē charissimā ad te scribendo
libenter suauiterque vsurpauī.

Ad hanc nobilissimā principem, si tu aliquid
scripseris STVRMI, illud & grato animo acceptu-
ra, & magno iudicio perlectura est.

Sed vereor ne ipse iucunda vel recordatione illi-
us vel scribendi ad te suauitate delectatus extra mo-
dum epistolæ prolixitate prodierim, & de literarum
apud nos ratione, plura alio tempore.

Rumor hic sparsus est te venturum in Angliam,
siue hoc verum sit, siue totum ex eo ortum desiderio,
quo plurimi te hic videndi tenentur, non intelligo.

Mihi nihil frequentius in votis. Interea dum ego
aduentum tuum gratissima spe expectem: desideri-
um quælo meum absentis tui suauissimis literis tu-
is sic lenias, ut saltem intelligā te has meas recepisse.

Quamquam longo sermone literarum tuarum
nihil optabilius mihi esse potest. Amorem meum
quem tibi maximum absenti debeo, eum vniuersum
interea ad præsentem Patrem Bucerum defero.

His literis inclusum dono mitto tibi argenteum
nummum C. Cæsaris. Reliquis Cæsaribus additi
sunt semper loquaciores tituli, quod sæpè animadu-
erti in omnium ferè Cæsarum nummis, usq; ad
Gotticam illam barbariem.

Hic habet ex vna tantum parte Cæsaris nomen

inscriptum. His priscæ antiquitatis reliquijs, quia plurimum ipse capior, hunc nummum tibi mittere volui, plures deinceps missurus, si te hoc antiquæ & benevolentia meæ, & temporum vetustatis monumento delectatum esse cognouero. Vale in Christo Iesu. Cantabrigiæ è Collegio D. Ioan. Evangelistæ. Quarto Aprilis Anno Domini M. D. L.

IOANNES STVRMIVS

ROGERO ASCHAMO.

S. P. D.

V IDEMI ASCHAME quid epistola tua effecerit. In libello meo quem de oratorum conuersionibus confeci, *περὶ τῶν ὁμιλοῦντων τὴν ἀλλαγὴν τῆς γνώμης*, ut quoniam oratorum artificiosissimam et pretiosissimam telam potest retexere: iudicet etiam de hoc opusculo: quod leui & denso filo lucubratum est. opinor enim Penelopes Homericæ telam rectè cū poëtarum versibus, & oratorum comprehensionibus posse comparari. quorum vtracq; non solum componi debent, sed etiam dissolui atq; immutari & dissui, quotiens emendari posse videantur.

Accertè in ætate iuuenili & sexu fœmineo, præsertim puellari, quæ potest esse honestior occupatio: quæ exercitatio liberalior: quæ consuetudo suauior: quam

quam styli, & compositionis & orationis, puræ, ornatae, perfectæ, consummatae: ad quam enitimur atq; contendimus.

Quia vir literatus es & bonus & dignus glorioso illo cognomento, hoc est, quia Euangelicus: quæ omnia non apparent solum, sed elucent etiam in epistola tua, nihil puto afflictum in tuis literis esse virtuti, & laudibus puellæ principis atq; regiae stirpis.

Sed quid in nostris temporibus magis optabile accidere mortalibus potest, quàm ex principum virorum familijs, & ex nobilitate vtriusq; sexus, oriri ingenia: quibus literarum studia placeant: qui eas colant: qui condiscant: qui & earum & rerum & artium doctrinam consequantur.

Ergo beatiores hoc genere bonorum Angli quàm Germani, apud quos in nobilibus paucissimi sunt, qui ad suum ordinem literarum putent insignia pertinere: cum istic pleriq; omnes nobiles, vel enitantur vt literati sint: vel si serò id intellexerint, tamen ad se nunc spectare suosq; arbitrentur.

Quamobrem spes iam data est, quod laudem quam antea sibi arrogauit semper Italia: & post Italia, Gallia, atq; Germania æmulæ vindicare conatae sunt: eam sibi deinceps Anglia cumulatissimè queat assumere: & quale domiciliū quondam Athenis & Romæ, de quibus duabus ciuitatibus scribis

F. in

dicendi & sapiendi magistri habuerunt: tale n̄ idem
nunc sit in Anglia constitutum: vt vester populus,
quorum virtutes imitatur, eorum etiam comparet
decus & gloriam.

Sed vt ad te mi Aschame veniam, nescio tibi ne
magis gratulari debeam cui Deus talem dederit di-
scipulam, an Elizabethæ principi, cui talem magistrū
atq; artificem: certē vtriq; & gratulor & gaudeo: &
foelix illud biennium iudico, quo tu docuisti, & illa
didicit: nunc etiam tibi ob istud otium tuum lætor,
quod Eduardus rex tibi & concessit benignē & libe-
raliter est largitus.

Requirunt enim nostrorum studiorum rationes
otia negotiosa, & negotia otiosa. nam in laboribus
otari & in otio laborare vulgo videmur.

Cæteri enim homines cum venantur, cum pi-
seantur, cum fabricant, occupari creduntur labori-
bus: literati cum legunt scribunt, commentantur,
pro otiosis habentur: cum tamen vitam ingenij la-
boribus anxiam atq; sollicitam agitent: non peri-
culorum metu, aut laborum vexationibus, sed
susceptione atq; cogitatione rerum maximarum &
immortalium.

Sed quia otium tibi summum datum est: eius et-
iam ad me fructus iucundissimus atq; vberissimus
perueniet. promittis enim mihi in tua epistola mul-
tas & frequentes literas, quas avidissime expecto:

cum

cum propter amorem erga me tuum, quem ex literis
tuis perspexi, tum præcipue propter doctrinam &
artes duas, in quibus ego annis iam multis etiam ver-
sor: vnā differendi, alteram dicendi.

Vtriq; enim & dialectici & Rhetorici esse volu-
mus: sed tu es: ego verò vt sim nitor & elaboro. Et
profecto absq; eloquentiæ ope obscura & sordida
est Dialecticorum professio: & hæc ipsa eloquentia
absq; differendi doctrina inflata tumet, & errabun-
da vagatur, nihilq; via & ratione, nihil artificiosè
efficit.

Itaq; idem tuum & meum est iudicium, idem vo-
lumus, idem sequimur, idem consecretamur, omni-
bus etiam idem studium suscipiendum est, qui in li-
teris viuere & ex literis laudē assequi concupiscunt.
Verum vt ad epistolam tuam reuertar: fuit illa mihi
iucundissima, tum ob significationem tuā erga me
beneuolentiæ: tum quia multa nuntiat de regno ve-
stro, quod semper nobilissimū & munitissimum
multis ætatibus habitum est: de rege de quo præcla-
ra & certa est prudentia, clementia, religionis spes
concepta: de Gulielmo Pagetto, cuius ego probita-
tem, & moderationem consiliorum & humanitatē
Caletianæ annos quinque cognoui: de Checo et Smi-
tho, qui nobis à multis sunt prædicati: de Ioanne
Masono quem Montius noster magna beneuolen-
tia complectitur, & laudat mihi sæpe numero, quo-

F iij

ties ego Pagetti memini: de Hæddono procancellario vestro, quem tu cum superioribus componis: de nobilitate vestra, & de ijs qui in Galliam cum tribus vestris legatis profecti sunt: postremò de Domina Elizabeta, qui locus quò fuit prolixior quàm reliqui, eò ego longiora legendo requirebam.

Hæc inquam omnia fuerunt iucundissima. verum vbi mihi tantum tribuis, quantum ego minime possem agnoscere: ibi pudorem, vt Horatij vtar verbis, mihi inculsisti: propterea quod præstare nò possum doctrinam & iudicium ita vt tu mihi ascripsisti.

Vbi verò petis, vt Phædonem Platonis, vt Aristotelis libros de Anima, & vt eiusdem Rhetoricos libros latinè interpreter & explanem: item vt Demosthenis & Aeschinis aduersarias inter se orationes conuertam: vt promissos à me de Latinè loquendi & dicendi ratione libros diuulgem: non tam laborem fugio: qui suscipiendus esset: quàm in suscipiendo audaciam & diuulgando temeritatis atq; arrogantiae suspicionem: quæ me superiore anno ingressum in hoc curriculum quasi reuocauit. statui enim Aristotelis Rhetoricos libros perpetuis explicare differentium sermonibus, quorum partem aliquam librario dederam.

Sed mutavi sententiam, primum propter eam quam proposui causam: deinde quia alia quædam in-

terce

tercedebant, quæ me ab instituto sunt dehortata.

Veruntamen cogito hac hyeme resumere eos, & perficere quod est inchoatum: si vitam Deus & potestatem concesserit.

Aeschinis & Demosthenis orationes meis interpretor auditoribus, sed ita vt magis in explicandis illis quàm conuertendis sim occupatus. satis enim mihi est, si sententiam explanem & verborum vim atq; potestatem: reliquum quod laboris est, id in arte demonstranda consumitur. vt inuentionem intelligant: vt diuisiones, & partitiones considerent: vt collocationem, vt argumentandi modos, vt conclusionum formas: vt ornamenta sententiarum, vt questionum infinitarum exornationes: vt finitarum expeditiones: vt in vtriusq; amplificationes: vt in omnibus conuersionum genera: vt principiorum & mediolorum & clausularum connexiones & numeros.

Duplici hoc meo hyemali labore contenti esse debetis: Et tu mi optatissime Aschame, qui petis: & Bucerus qui tibi cohortator fuisse videtur.

De Phædone & Aristotelis de anima libris alijs, cum erit otium si vita suppetat, & si potero.

Non enim si in Gorgia quædam obseruaui, quæ ad Dialecticorum pertineant officinam: idcirco etiã in Phædone aliquid elaborare possum quod perpetuam orationem habeat, & quod literatorum hominum aures animosq; non offendant.

C

Nec si Rhetoricam intelligo & fortassis proderet
in lucem aliquo modo possum: idcirco grauissimam
illam disputationem de vita & de morte, de animarum
immortalitate, de bonorum virorum vitali obitu,
de clarissimorum hominum sempiternis premiis,
de aeternitate rerum, potero differendo atque scriben-
do sustinere.

Quod tamen libros de latino sermone requiris:
in eo me percelluisti. promisi enim eos ante annos al-
liquot: sed fateor planè etiam si ingenio possem, ta-
men non possem facultatibus, ut ex me sapienter Buce-
rus audiuit.

Quantum enim est eiusmodi opus elucubrare, ex
quo breui eam facultatem consequare post præcep-
tionem perceptionem, ut quidcunque cogitatione com-
plectaris, id etiam oratione possis latina exprimere,
non solum ut pura ea sit, sed ut elegans: ut ornata:
ut decora: et exempla in promptu habeas, quæ res
quibus sint & verborum & sententiarum ornamē-
tis expoliendæ: eaque omnia non solum congesta, sed
etiam distincta locis & disposita habeas.

Tale opus cum cogitatione inchoatum, com-
mentatione demonstratum atque perceptum habeam,
tamen facultatibus imperfectum cum alijs iacere pa-
tior, dum compeller: tamen si satis me gymnasium
nostrum compellet: tamen quia compellat non co-
git, satis me hominibus facturum puto, si in reli-
quis officijs non sim desidiosus.

Iam quod de Augustino scribis: laudo iudicium
tuum & tuarum literarum in eo loco humanitate &
amore delector.

Etiam ego sanè huic Theologo præ ceteris pluri-
mum tribuo propter doctrinam: docet enim omnia:
concludit acutè, refutat argutè: nihil nec in propo-
nendo, nec diuidendo, nec argumentando, nec ex-
pediendo peccans.

Sed ego cum meos ad orationis cultum adhor-
tor, non solum rerum considero doctrinam, sed ea-
rum etiam ornatum atque tractationem: ut illos di-
cendo superiores putem, sed Augustinum doctrina,
veruntamen illos etiam eruditos & literatos: itaque
principio anteponendos.

ET ENIM diligenter etiam atque etiam in sermo-
ne latino aut græco tradendo cauendum est, ne scri-
ptores dicendo inferiores propter rerum tractatio-
nem Ciceroni & Demostheni cæterisque melioribus
scriptoribus anteponantur. omnibus enim scien-
tiæ sapientiæque nomen gratum & dulce est: res ve-
rò ipsa non solum optata sed etiam salutaris.

Nam nec scribere quisquam aliquid potest, nec
loqui aut dicere quod sit præclarum, qui artes & di-
sciplinas, & qui rerum cognitionem nullam com-
parauit.

Ergo qui hoc iudicio præditus est, & hac inopi-
facultate nititur, cum nec in eloquentium, nec di-

sertorum, nec Latinorum, siue oratorum siue scriptorum, siue artificum numero habendum puto. et cuius inflata verbis tantummodo oratio est, non solum auctorem ineptum, sed etiam hominem stolidum existimo.

Quamobrem etiam si summi viri, siue Longolius, siue Sadoletus, siue Bembus, siue Nauigerius, siue alius quisquam vel Italus, vel Gallus, vel Germanus verba eorumque ornatum captauit, res neglexit, quod tamen hi minimè fecerunt, sed si quis esset: eum laudandum non censeo.

Nam quid ego de Budæo excellenti doctrina viro dicam? quem tametsi amemus atque defendamus: & admiremur: ut etiam eos quos nominaui, tamen sunt nonnulli quibus ille in aliquibus libris magis uerborum quam rerum sectator esse uideatur, non igitur in optimis, sed in deterioribus siue scriptoribus, siue oratoribus ponendum puto, qui uerbis, non rebus ornatum orationis constare credit.

Sed hoc in primis considerandum est: omnibusne temporibus quiduis legere liceat, an sit in temporibus, & ætatibus & facultatibus aliqua distinctio.

Homerum græci suis adolescentibus ediscendum proposuerunt. poterat illud fieri absque incommodo, propterea quod una cum materno quasi lacte imbibissent patrium pueri sermonem.

Romani grammatici etiam Vergilium suis Scholasticis

lis explicabant: nihil periculi erat eandem ob causam. Idem Romani de principio Homerum interpretabantur: nihil fuit incommodi in lingua aliena: latine omnibus tum loquentibus Romæ ciuibus.

Et idem græci facere poterant, si hic ijs placuisset sermo. Sed quas utilitates ad linguæ informationem atque puritatem puer accipiet ex Catonis distichis, ex Aquinate, Gersono, Cocca? paucos nominaui, ex his quamplurimi possunt alij eiusdem gregis considerari & sunt alijs præstantiores, quos tamen legi nonolim: non quod vituperem, sed quod ad id quod volumus non sint idonei.

Sed addamus etiam his barbaram turbam grammaticorum, Dialecticorum, Medicorum, Theologorum, Philosophorum: quibus sordida puris, utilibus spinosa fuerunt potiora. quorum pars se adhuc magna tuetur in Sophistarum nostri seculi collegijs: quæ de sua adhuc barbarie tanquam de Palladio aliquo atrociter pugnat.

O gregem venustum: ô religiosam conspirationem, in qua vinci gloriosum est, turpissimum, vincere. quis status literarum, quis religionis esse possit in hac sermonis & linguæ & orationis fæditate? quis enim non aspernetur in ijs, si videat, oris sonitum: uerborum deformitatem, sententiarum sordes: opinionum ineptias: animorum pertinaciam: consuetudinem illiberalem: mores peregrinos: qui barbarie libera

beralitati impoluerunt: qui artes & disciplinas cor-
ruperunt: qui historias fædarunt: religionem & cœ-
remonias non solum orationis putido genere: sed et-
iam imperitis opinionibus, remotis ab omni con-
sensu doctrinæ, & obscurarunt. altercando, & de-
fendendo inquinauerunt. Hinc proponendi pueris,
& horum scriptis imbuendę mentes adolescentum:
vt pro puris fæda: pro latinis barbara: pro perspicuis
obscura: pro compositis dissoluta in ciuitatibus
audiantur? Quod igitur iudicium facimus in malis,
cur idem non retinebimus etiam in minus perfectis,
minuscq; consummatis? At rerum studium verbo-
rum semper præstantius habitum est.

Est planè eloquentis officium rerum primum,
post verborum curam suscipere: Vitiosum enim est
dicere, quod aut inane sit, aut stultum: veruntamē
quoniam ab oratore non modò sapientia: verum et-
iam verborum ornatus requiritur: separemus ista
duo, quæ natura cæteroquin coniuncta hærent.

Sapientia iubet quærere quid dicas, vt verum,
vt probabile, vt certum, vt acutum, vt disciplina-
bile, vt conclusionē perfectum. quid ornatus? vt si-
gnificans, vt sonans, vt plenum, vt concinnum, vt
ornatum, vt illustre.

Sed si sapientia iubeat, vt ornatus rationem non
habeam: puritate contentus sim: reliquum ornatum
non affectem: liberari me patiar magnis laboribus.
lum.

summis curis, diuturnis vigilijs. Si verò etiam vt pu-
ritatem negligam, certè isti sapientiæ, quamuis pro-
uida sit, non obtemperabo.

Sed si respondeat, magnum esse, præditum esse
doctrinā: verum præclarum ad eandem, dicendi ra-
tionem & eloquentiam adiungere: & vtrunq; ab
optimis potius, quàm inferioris ordinis authoritati-
bus condiscere: optimēq; labores in consummatissi-
mis consumi: tum ego sapientiæ consilium, tanquā
oraculum diuinitus datum, sequar.

Eos igitur ego authores pueris explicari princi-
pio volo: & eos in exercendi consuetudine primos
legi, qui ad doctrinam adiunxerunt eloquentiam:
non qui doctrina contenti, eloquentiam vel contē-
plerunt, vel ad eam non potuerunt aspirare. Et quò
magis propè aliquis ad perfectionem accedit, eo
plus tempore ordinēq; antecedere placet, & in ex-
emplis anteferri.

Hæc me causa mouit: quamobrem Augustinò
Chrysostomum anteposui: non quod Augustinus
non sapientior, aut non disertus, sed quia minus di-
sertus quàm Chrysostomus: & is tamen eruditus at-
que doctus. Chrysostomo primum temporis & lin-
guæ, non doctrinæ & ingenij locum tribui: cum ta-
men huic ipsi Chrysostomo multos alios antepōnā.
in dicendi enim studio non solum barbaros vbiq;
fugere, sed ante bonos etiam meliores, semper oportet
præcedere.

Sed

Sed fortassis parum candori tuo confidere videbor, qui hæc tã sollicitè excusem: Veruntamen quoniam magni referre puto, quo vnaquæq; ordine legantur, visum fuit etiam hic meam tibi exponere sententiam: à qua te etiam non arbitror esse alienum. Feci etiam eo libentius, quod tu dulce nomen pacis esse dicis in tuis literis, & rem ipsam salutare.

Scio quo in loco Cicero idem dicit, & iisdem verbis sentit: cuius loci formam hic conatus sum exprimere: vt tecum ludam *ἐν τοῖς ἰσχυρίσιν*: Et nisi caueas, nō hinc procul sumpto exemplo rursus ludam: si prius de Domina Elizabetha, quod volo, & quemadmodum volo repetam.

Non enim obliuisci possum, quod ad tantarū rerum, de quibus scribis, disciplinam etiam dicendi artem coniungat, eamq; exercitationem colat, quæ cū maximè hunc sexum deceat, tamen à plerisque omnibus aspernata iacet.

Sed rectè secum cogitat, si enim corporis forma in virginibus puellis iucunda est, cur non orationis verecundæ, pudicæ puræ, pulchræ: deinde cæterę virginum exercitationes, nere texere, acupingere, communes sunt nobilitatis & obscuræ stirpis: sæpeq; ignobiles mulieres nobilibus artificiosius laborare videmus: orationis autem elegantiam in nobilitatis velle domicilijs habitare & præclaris familijs: & vt uestitu atq; ornamentis, sic etiam sermonis
sua

suauitate nobiles ab obscuris differre: præterea hæc ipsa quæ sunt nobilium faminarum, prætiosæ vestes, gemmæ, annuli & ornatus reliquus, fortunæ esse tantum & in deterioribus naturis sæpè affluere: at oris elegantiam, & vocis formam non posse ab animi pulchritudine segregari: atq; id signum esse excellentis ingenij nobilisq; naturæ, ac diuitiarum insignia & ornatus domi solum illustria sunt: vox vero artificiosa, posteaquam semel audita est, sæpè ad exterarum gentes atq; nationes volitat, illisq; est admirabilis. Quò magis ego Dominæ Elizabethæ industriam probō: quæ efficiet vt puellarum virginum & faminarum nobilitas, non solum generis antiquitate, sed etiam doctrinæ & sermonis elegantia sit æstimanda.

Ergo huic ego conuenienter libellum misi. inemptum enim est, in diuulgandis libris eos appellare, qui ignari sunt eorum quę traduntur, aut qui eadem non maximopere amant.

Et quoniam pro se liber loqui non potest: est enim indifertus: tu ei deprecator sis, quoties peccabit: & vbi non peccat, commendator: & in utroq; patronus: præsertim apud Eduardum Regem, cui etiam exemplum mitto, vt tripartito defendatur patrocinio: primum tuo ad Dominam Elizabetham: deinde huius ad fratrem suum Eduardum regem: qui si sua autoritate patronus summus esse velit: quis

meo libello beator? Quantum ad me attinet, maximopere vellem Angliæ placere. Amo enim gentem hanc propter religionem, propter famam talis & tanti regis idq; in hac ætate.

ATQVE vtinam quam religionem rex primis annis didicit, & concilium eius concordibus sententijs constituit, eam possit & tueri & defendere, & stabilire, vt non oppugnetur. quanquam id ad Deum eiusq; providentiam & numen pertinet.

Sed id quidem reliquum est, vt quod institui absq; perturbatione aliqua non potuit, neq; sine metu periculorum retineri potest: id ecclesiasticarum pecuniarum dispensatione, & morum disciplina, & religionis doctrina, & iudiciorum sanctitate, & ordinum confirmatione atq; dignitate corrigatur atq; ornatur.

Sed minus iam timoris est, in hac concilij constantia: quod de religione decreuit: quod eam instituit: quod edictis stabilivit.

Vt autem idem permaneat, dum regnum atq; religio requirit, & vt rex nulla frangatur temporum intemperie: id summis votis à Deo patre omnium mortalium & Christo omnium hominum seruatore precandum est.

In quo negotio, & qui in Consilio regio versantur, laudandi sunt: & rex arrigendus ad constantiam altitudinemq; animi, vt neq; consilium sui decreti

pœni

30
pœniteat, neq; regem tædeat periculorum, quæ impendere videntur.

Tribuenda igitur non solum pietatis & religionis & literarum laus est ijs: qui authores fuerunt præclaræ emendationis: sed etiam fortitudinis, qui non extimuerunt ea pericula, quæ propter prudentiam ventura providebant: propter religionem contemnebant.

O sanctam curiam: quæ honestatem atq; religionem, vtilitatibus, & vitæ otio anteposuit. Nati in hoc homines videntur, vt Angliæ nomen renouent: vt in hoc regno angularis Ecclesiæ lapis locum suum rursus occupet, & refugium sit non solum nunc recipiendis atq; defendendis: sed breui etiam emitendis atq; ornandis angelis & nuncijs ocij, literarum, religionis, dignitatis in Rep. Christiana: in impietate enim status Rerumpub. instabilis, in religione firmus solet sperari.

Etenim nulla conuersio regnorum, nisi post religionis contemptum atq; scædationē est metuenda. illorum igitur incerta Respub. est, qui in turpitudine vitæ, etiam religionis atq; doctrinæ puritatem & sanctimoniam formidant. Qui vero hæc suscipiunt, & colunt & defendunt hi cum nullo alio statu commutare Remp. possunt, nisi cum diuino & cælesti, in quo perpetua sit & sempiterna felicitas.

Nam huius vitæ non solum reges & principes &

H ij

magistratus caduci & brevis æui sunt, ipsæ sed etiam
vrbes & respub. atq; regna breui momento & flo-
rentia claræq; & collapsa dirutæq; conspiciantur.

Hæc æternitatis fœlicitas bonorum virorum,
in omnibus ordinibus finis: in hac eorum præmia
constituta sunt: quæ nisi essent, quis sapiens in ma-
ximis laboribus & summis periculis velit pro patria
se deouere & pro religione mortem oppetere?

Quamobrem sapienter consuluerunt pruden-
tissimi viri: qui id, sine quo Resp. nulla stabilis esse
potest, patriæ recuperarunt: & quod posteris suis
optare debuissent: id ipsi suo periculo suis constitue-
runt: & suam ipsi religionem atq; pietatem patriæ
cum periculo præstare maluerunt quàm eam poste-
ris absq; periculo committere.

Hæc laus quouis triumpho præclarior est, quæ
non cæde hostium comparata est, sed pietate atq; re-
ligione nititur: quæ non hostium sanguinem, sed
ciuium suorum sanctimoniam requisit: quæ non
nouas res affectauit sed amissas restituit.

Postquam enim decretum de religione fuit: pax
cum Galliarum regno constituta est, morum & vi-
tæ leges promulgatæ sunt: emendata literatorum
hominum gymnasia: apparuit rursus veritatis lux
& Euangelij lumen, Itaq; de his bonorum virorum
sermone nusquàm silebunt, dum homines erunt
quibus chara religio est, & iucunda fortium viro-
rum memoria.

Quan-

Quamquam huius facinoris vel potius sapientiæ
laus, etiam multo maxima ex parte ad serenissimum
regem Eduardū pertinet. in quo nisi senatus animi
aduertisset simul cum ætate & prudentiam eius
ali, & gravitatem crescere, & religionis cupiditatem
studiumq; confirmari, idemq; appetuisse & postu-
lasse, maiore cum periculo suscepisset id, quod insti-
tuit atq; decreuit.

Quocirca omnibus regni ordinibus gratulandū
est, Regi, quod id, quod voluit, consentientibus o-
mnium in consilio sententijs obtinuit. Cōsilio, quod
rex idem voluit, & quod intelligit, nihil posse con-
stitui sanctius: populo, quod quoniam Regis atque
Senatus autoritas intercessit, non populari motu, sed
Reip. voce actum videatur, siquidem pars populi
melior exoptauit: omnibus ordinibus, quod in hac
coniunctione animorum dissidia non sint extime-
scenda, sed pax atq; concordia reflorescat: religio ve-
ro recolatur: Euangelij vox salutariter resonet: &
Christi imperium in regno Angliæ auctoritatem
summā habeat.

Hæc commoditas, imò hæc regni gloria tollere
ex animis omnium metum debet, & Regem erigere
ad amplificandam hanc gloriam: & senatum cohori-
tari ad fortitudinem: & populum ad charitatem &
obseruantiam excitare: vt & Regis auctoritas, & Se-
natus consilium, & populi placitum quasi propu-

H. in.

gnaculum existat contradolum, & insidias, & vim communis Dei hostis, à quo vinci non possumus, dum præstamus constantiam. nam si moriendum erit, vita mortalis cum immortali mutabitur: si uiuemus, quid præclarius, quam in hac vita propter religionem, cælestem vitam repræsentare.

LONGIUS euectus Aschame sum, quam volebam: excitatus epistola tua: in qua iucundius mihi fuit Regis atq; sororis laudes cognoscere, tametsi eas antea à multis audiueram, quam accipere C. Cæsarem: quem antehac non ita in nummis videram.

Sed tamen gratum munus, & quia à te missum est, & quia vetustum, & quia eius imago, qui cum fortissimis & peritissimis, & fortunatissimis Imperatoribus belli gloria potest comparari. Vale Argentorati. Nonis Septemb. Anno. M: D. L.



PAVLVS IIII. PONTI- FEX MAXIMVS IOANNI GROPE.

*ro Cardinali designato. Salutem & Apostolicam
benedictionem.*

QUod tum ad te scribere non placuit, cum tibi cooprato in Collegium Cardinaliū, illius dignitatis insignia mitteremus: id visum est hoc tempore exponere: nolebamus enim tum simul tibi & beneficio lætitiā parere: & monendo molesti esse. Nunc verò id tempestiuè fieri posse videtur, posteaquam tibi nostra erga te beneuolentia & beneficentia perspecta est: vt & quæ nostra voluntas & petitio, consiliumq; sit intelligas: & tu habeas deinceps, quæ te cauere & quæ se sequi velimus.

Fuit aliquando tempus quo Pontifici Paulo tertio & Cardinalium Collegio suspectus esse cœperis, tum cum Romam renunciatum fuit Anno, vt opinor. 1536. te de emendatione Ecclesiæ scribere, quod nostris legibus & institutis, nostræque existimationi & Senatus Romani dignitati aduersarium esset. Et quoniam tum antea diu de Hermanno à Veda Episcopo audiueramus, quid cum Richardo Grisenclauio Episcopo Treuirensi moliretur aduersus auctoritatem Ecclesiæ Romanæ, metuebamus, posse fieri, vt is tibi huius operis confectionem locasset: & quod faceres illius te causa facere. Sed posteaquam in lucem exijt hoc opus, valde gauisi sumus, famam illam falsam, & mendaces suspensiones fuisse. Nihil enim in illo fuit quod nobis esset contrarium, aut non consentaneum Pignianis sit demonstrationibus, eaque de causa eò magis lætabamur, quo tu plus apud tuos, quam ille apud suos auctoritate valeres, præsertim in tot talibusq; Canonico-
rum.

rum Collegijs. Itaque pro dolore in nobis & metu, gaudium atque spes successit, propter hanc tuam egregiam & singularem voluntatem atque industriam: vnum nobis tum solum molestum fuit, quod de morbo tuo cognoueramus, cum propter ipsam ægritudinem, tum ne inimici tui hanc causam arriperent calumniandi.

Subsecutum est post hoc tempus alterum, & quidē molestius quā prius. non solum fama & literis & nuncijs, verum etiam suspicionibus, argumentis, indicijs & testibus, vsque adeo vt quoniam nostram abs te dignitatē nomenque Pontificium oppugnari audiebamus, constitutū à nobis fuerit pro nostra auctoritate atque officio proscribere te, mandataque ea de re ad omnes ordines nostros in Germaniam mittere. Nunciatum enim ad nos, & tum scriptū sæpe fuit, te ab illis qui Lutherani nominis essent Hæretici inprimis verò à Martino Bucero in Hæreticorū partes pertractum esse, & comprobatores anno quadragesimo fuisse colloquij Vuormaciensis. Confirmavit de hac re & de te nostram opinionem legatus noster Scotus Coecus, idemque de te Paulus Vergerius quem eodem miseramus, videbatur asserere.

Deinde etiam si absque his fuisset, tamen annus quadragesimus primus, non modo mouere hanc suspicionem nobis potuit, verum etiam si quid antea dubitatum fuisset, id totum refutare atque diluere: Nam vt colloquij Vuormaciensis fuisti comprobator: sic Ratisponensis auctor. Credo equidem nunc, te id impulsore Bucero fecisse, sed quid ille apud Colonienſes, hoc est tuos absque te? Neque occulta fuit hæc inter te & Bucero consiliorum communicatio, sed ita manifesta atque perspicua, vt etiam Collegæ tui sibi a te, metuere inceperint, & ea de re ad nos scripserint, quibus etiam temporibus tuæ ad nos literæ fuerunt frigidiores atque languidiores, quæ in Cardinalium consilio recitabantur,

Itud

Itud eò ad te scribimus, vt scias nihil tam posse clam institui ne dum agi, quod ad nos non deferatur: & quod nos pro tempore dissimulare non possimus. nam cui tu tum plurimum metuebas, quemadmodum certè tribuendū fuit propter eam quam Romanæ Ecclesiæ semper præstitit fidē atque obseruantiam, Eberardus Pillichius Suffraganeus, vt opinamur nunc vester factus, tum ad cōsiliū nostrum scripsit, se à te vehementer appellari, vt tuæ sententiæ subscriberet, & quoniam id facere recusauit, magnum inter te & illum fuisse dissidium: eamque offensionem in illis comitijs multos offendisse: qui vestrique & Romanæ Ecclesiæ procures studioserant, quod eorum, quorum vna erat legatio, non esset eadem in re tanta sententia.

Et sperabamus quidem per Pillichium te reuocari à consilio malo posse, sed illud tempus quod post conuentum Ratisponensem insecutum est, penè effecit, vt desperaremus, te posse ab huiusmodi instituto depelli. Elaborasti enim atque effecisti, vt Hermannus Episcopus Bucero ad se vocarit, illique potestatem fecerit Ecclesiæ emendandæ. si id emendare est, omnes Ecclesiæ ceremonias, omnem omnium ordinum auctoritatem labe facta, reatque conuellere, & quæ diuturno consensu & vsu confirmata sunt ab omnibus Romanæ Ecclesiæ gentibus atque rationibus, ea subito & temerario consilio atque libidine refringere. Neque id credissemus: nisi ea de re tuarum literarum exemplum ad Hermannū Episcopum ad nos missum esset.

Quid enim aliud illa reformatio, sic enim appellaris in se habet, quā vt ne sit in nouis illis Ecclesijs totum illud quod in Romana Ecclesia est caeremoniarum.

Vides igitur duo tempora quibus Collegium nostrum vehementer offensum fuit. nam tametsi prima illa tua REFORMATIO nihil nobis aduersarium habeat, tamen

eiusmodi illud exemplum est? priuatim hominem vñ
prescribere quod in omnibus sit faciendum Ecclesiis? Si
id tibi tum licuit, cur non omnibus idem deinceps liceat?
& si omnibus: quid obstat, quò minus tota Ecclesiæ Ro-
manæ autoritas Pontificium què nomen labefactetur? Tu
ne putas, si hæc ratio bona esset, non esse Romæ & in Italia,
qui idem queat facere, aut non putas causam esse, quam-
obrem id fieri nolimus? Nos qui temporibus, & vsu re-
rum longo atque vario eruditi sumus, videmus hanc scri-
bendi licentiam, viam patefacere, ad contemptionem
consiliorum Pontificum, Romanæquæ Ecclesiæ.

Omnino igitur nos in ea sumus sententia, hæc scribendi
rationem, & hunc morem emendandarum Ecclesiarum no-
stro ordini nostræque autoritati atque dignitati non condu-
cere, & ne tibi quidem tum profuit. Quid enim es aliud
consecutus, nisi quod vulgus hominū, imò plerique omnes
homines opinantur, eò te istud instituisse, vt te in hac ci-
uitate Episcopus ille quasi principe & Duce vteretur, &
inde tu quæstum faceres, & tuam auctoritatem in istis par-
tibus confirmares? Et posteaquam id assecutus non es, &
Episcopus Bucero vteretur, & tu vilescere inciperes, ver-
tisse te vela in contrarias partes.

Hæc sanè hominum de te est existimatio, & hunc fructū
accepisti illius instituti, atque idē in senatu Romano à mul-
tis dictitatum erat, & si aliquorum sententia valuisset, non
tibi reditus erat, neque receptus ad nostram gratiam.

Sed ego tum vnus ex illis fui, qui te & reuocandum &
retinendum putauimus, de eaque causa & per literas & per
alios à nostro consilio perfectum est, quemadmodum no-
sti, vt is rursus esses apud nos, qui antea fueras, & vt Buc-
erus apud te paruo tempore Colonia hospes fuit, ita tu
perpetuus esses deinceps noster necessarius.

Non hoc exprobrandi causa scribo: sed vt videas, nos ea
omnia tum sciuisse, neque nos nostri poenitere consilij. Pa-
lam enim illorū conatus oppugnasti REFORMATIONI

illorum obstitisti, multos ab aduersaria factione, ad no-
stras partes reuocasti, effecisti vt Hermannus Episcopus ab
Ecclesiastico ordine defereretur, & in huius locū alius sit
substitutus.

Quod hæc verè & ex animo scribamus indicio est Cardi-
nalitius honos, qui tibi tributus est. Fuit enim æquū, vt à
quo maximum beneficium accepimus, eidem summam
referremus gratiam.

Scimus enim quam illud tibi difficile fuerit & arduū effi-
cere: offerebantur enim hac actione omnes ordines, &
nobilium in primis, qui ne tum quidē, posteaquam ab ec-
clesiastico ordine abrogatus illi episcopatus esset, illum
deferere absque illius consensu, & voluntate bona vole-
bant. Taceo hominum de te voces atque sermones, vt ne
quid de ignominia dicam.

Omnia hæc præclara & ardua, sed tamen, neque illi Epi-
scopo abrogare eam dignitatem necesse erat, & in illius
locum subrogare alterum, nisi à te peccatum fuisset, & ni-
si Hermannum in eum locum præcipitasses, è quo non
potuit postea euadere.

Hæc, vt supra posui, monendi tui non obiurgandi cau-
sa scribo, vt deinceps caueas, neque te hominum minis aut
infamiæ metu ab instituto auocari sinas. nulla enim infam-
iæ nota est, quam Romanæ Ecclesiæ necessaria tempora
non abluant, & pileus quidem Cardinalitius eo splendore
est, vt omnes omnium calumnias obscuret, & nostra ad-
huc tanta apud mortales auctoritas, vt omnium sententi-
as, iudicia, vituperationes, condemnationes contemnat
& superet: nec improbum aut impium est, quod Roma-
næ Ecclesiæ salutare & necessarium.

Itaque tu nobis necessarius es, & nos tibi honorifici esse
debemus, & Cardinalitia te dignitate, & illius muneris
præmijs te quoque frui volumus, eaque de re ad Archiepisco-
pum vestrum scribemus, vt quantas facultates hic honos
annuas requirat, eas tibi ex sacerdotiorum vestigalibus &
sacerdotiorum copia suppeditari patiatur.

Vnum à te requirimus atque postulamus, vt quoties opus sit, pariaris te à nobis moneri: quod tamen post tempus aliquando fiet, ostendet tamen quid ante tempus, sapere vitari possit, aut quid emendari in eo quod antea peccatum est debeat. Vt de hoc tuo postremo volumine, quod de re sacramentaria scripsisti, quid opus erat germanicè scribere? & hominè Vuesphalum, Sufatensem, Sueuicum & Bauaricum sonare? quid opus erat tam facere opus prolixum? quid absque nostro & consilio nostri consensu? nonne communicatum nobiscum oportuit? Et nos literas didicimus: & nos manum ferulæ subduximus, & scimus quàm multa in illo opere sint, partim laeua partim contraria, partim non vera. An in nostro consilio aut in Italia scriptores mihi deesse putas? annon habere me existimas, qui & disputare & scribere queant? quam tu esse aliam causam putas silentij, quàm quod multa excusare & defendere, non possumus? illa inquam ipsa quæ tu & Pigius cæterique malè defenditis? Deinde tempora multa abolent, quæ libris nullis dilui possunt. Postremo vides etià tu aduersarios nostros multas caeremonias reuocare, quas antea quasi in exilium eiecerat, quosdam etià docere aliter quàm docuerat antea, neque principio Ecclesia Romana tantum incrementi accepit: quantum illorum recipit varietatis, & magis ipsi inter se pugnare incipiunt, quàm nobiscum pergant bellare, vsque adeo vt imprudentes ad eum locum contendere videantur, vnde nos conantur eicere.

Sed si huiusmodi scripta prodeant alia cuiusmodi tuum istud est: metuendum est maximè, ne se coniungant rursus, & nostram causam oppugnare pergant, & suam controuersiam incipiant componere.

Hac ex re quantum inde incommodi oriri queat, potes per te ipse existimare: vides quàm ipse ætate, potes etiam cogitare quibus interfuerim actionibus, audiui multa de multis non hominibus solum, sed etiam regionibus.

nibus, non Europæ solum, sed etiam Asiæ & Africæ: aures plenæ sunt calumniis nostrorum aduersariorum, & legati nostri sentiunt, plus apud omnes gentes inimicorum nostrorum causam posse quàm Ecclesiæ Romanæ nomen atque auctoritatem.

Debeas etiam per te ipse cogitare, quam tu sis in his controuersijs non idoneus disceptator. Scis quæ sint de te hominum sententiæ, cuiusmodi aduersus te voluntates, & qualia studia.

Et si enim nos consilij tuorum consiliorum sumus & sciamus, quo stitio quantoque iudicio ista facias, tamen existimare potes, non idem omnes & sentire de te & loqui quod nos, & quo tu liberius scribis, eò aduersum te plures exorturos, qui tibi resistent, & ex tua vita & moribus scriptisque, nostram vitam, & mores, & doctrinam sint æstimaturi. Vt enim voluntas, ita oratio hominis in omnem partem flexibilis est, vt & libri sunt, ita hominum existunt voluntates. Vna enim mala defensio sæpè efficit, vt ex amicis inimicos habeamus. Et si tempora respicias, periculosior nostra nunc est conditio, quàm superioribus fuerit temporibus. Vnum enim vulgus hominum habuimus aduersarium, ex principibus plures defensores & amicos, quàm oppugnatores & inimicos sensimus. Nunc deinceps viri principes multi demortui sunt, & in eorum locum alij successerunt atque succedunt, quorum pars iam ea religione amplectitur nostras caeremonias, qua velimus: pars etiam de aduersariorum castris cogitat. Et tu qui iure consultus es, miror te non videre, quod priuatim in singulis ciuitatibus vtile est, id in vniuersa ciuitate, hoc est Romana Ecclesia non esse vtile. Si enim pestifera sunt, ciuium inter se disceptationes de religione, vna in vrbe, cur non aduersarij libri noxij in tota Ecclesia? Et plebeios quidem homines multos vides poenas dedisse, apud prudentiores principes atque Respublicas, in magnis tamen viris aut dissimulatum est, aut actum leuius. I iij

Tu vero in tuo volumine Sacramentario, quid opuse-
rat Melanchtonem irritare, adhuc viuum, quid mortuū
Bu cerum, quid Sleidanū, quos nostrilegari atq; amici in
comitijs etiam solent appellare & amplecti humaniter.
Bellaius Cardinalis, cum primum illum locum de Sleida-
no vidit, mirabatur te hominem Vuesphalum de Eissio i-
ta scribere, & te vicinum non scire, cuiusmodi testimoni-
um illi dare debeat, si cogatur, patriaque & patriæ magis
stratus, cuius liberos educauit, deinde tot viri docti, qui-
bus familiaris & amicus fuit. Ipse etiam Cardinalis Bella-
ius Decanus Romanus, putat mortuo abs te fieri iniuri-
am, & aliter de illo atque tu existimat.

Vereor ne huius mortui memoria contra te plures sit cō-
citatura scriptores. Metuendos semper istos Archilochos
& non lacessendos existimauimus, atque hæc causa fuit,
quam obrem nec Bembus nec Contarenus contra illos
qui Lutherani nominis essent scripserint, & gadoletus vi-
des quam fuerit moderatus. Nullum conuiuium tantum
& tale in vllum conijci potest, quod non retorqueri in
nos queat, aut non possit cum aliquo simili commutari,
vt ea verba quibus tu Sleidanum notas, scis tibi quoque
obiecta esse, & ab omnibus credi qui nobis sunt aduersarij.

Equidem sic sentio ab hoc scribendi genere tibi absti-
nendum esse, & satis magnum habes Theologiæ præmi-
um, cum se: honorem quo te affecimus & in Cardinalium
Collegium cooptauimus.

Malo Bartholo te & Baldo similem videri, quam Pigio
cupere æquiparari. & lūre consultorum potius quam The-
ologorum armis dimicare. Ego quos amo, & ad gratiam
meam aditum habere volo, eos soleo hac ratione insti-
tuere, atque id tibi documento sit meæ erga te volunta-
tis, quod liberè & apertè scripsi: idque & tuo commodo,
& item nostro, vt scires quid te potissimum facere veli-
mus, vt magis occupatus sis in principibus Germaniæ no-
bis conciliandis, ijs qui Romanæ Ecclesiæ studiosi & cupia-
di

36
di sunt, quam in his scriptoribus exacerbandis, qui exas-
cerbari non possunt, vt non nos tecum plus patiamur,
quàm illis queat noceri.

De Cæsare quod scribis verum est, æquum est idem
vos facere & Catholicos principes quod ego facio. Vide-
tis quibus vtar auxilijs: is poterit si quisquam poterit.

Vide quantum valeas in colligendis mihi hominum
gratijs: & ca vtere ratione, & illis internuncijs de quibus
proxima tua epistola, quæ in Consilio lecta fuit.

Scriberem de hac ratione ad te plura, nisi vereretur posse
has literas intercipi, & prius in aliorum quorum nolimus
quàm in tuas manus incidere. Vale Datum Romæ ex arce
Capitolina, sub annulo piscatoris: Calendis Decembris.
Anno 1556.

RIDENTEM DICERE VERVM
QVID VETAT?

FINIS.





